













PL  
2685  
A17  
1699  
v. 5



施註蘇詩卷之十一

漫堂先生宋 肇

長洲顧嗣立

樸園先生張榕端

閱定

毗陵邵長蘅

刪補

商丘宋 至

詩六十六首

起守高密至得代歸京師卷中有除夜大雪留維州元日早晴遂行之作按公年譜除夜當是熙寧丙辰元日

則丁巳元日也

和文與可洋川園池三十首

唐地理志洋州洋川郡武德元年析梁州之西鄉黃金興勢置

湖橋

朱闌畫柱照湖明白葛烏紗曳履行橋下龜魚晚無數  
識君拄杖過橋聲





橫湖

貪看翠蓋擁紅粧不覺湖邊一夜霜卷卻天機雲錦段  
從教匹練寫秋光

青詩娥娥紅分粧纖纖出素手宋玉高唐賦蜺為旌翠為蓋木玄虛海賦雲錦散  
又於沙洲之際韓退之曲江荷花詩撐舟昆明度雲錦腳敲兩舷叫吳歌謝玄暉  
詩澄江  
淨如練

書軒

雨昏石硯寒雲色風動牙籤亂葉聲庭下已生書帶草

使君疑是鄭康成

韓退之詩鄴侯家多書插架三萬軸一一懸牙籤新若手未觸三齊記略  
鄭康成居不其城南山中教授山下草如薤葉長尺餘人號康成書帶草

冰池



不嫌冰雪遶池看誰似詩人巧耐寒記取羲之洗硯處  
碧琉璃下黑蛟蟠

杜子美詩勝裏金花巧耐寒晉書王羲之傳嘗與人書云張芝臨池學書  
池水盡黑使人耽之若是未必後之也洗硯承天歸宗寺有不軍墨池

### 竹塢

晚節先生道轉孤歲寒唯有竹相娛麤才杜牧真堪笑  
喚作軍中十萬夫

白樂天答賈舍人詩一別承明三領郡從教人道是麤材北夢瑣言唐自大中以  
禾必兵爲戲廊廟之上恥言韜略就有如蘆藩醉能者目爲麤材杜牧之賦竹林  
外裏今十萬丈夫已見  
三卷次韻子出詩注

### 荻浦

雨折霜乾不耐秋白花黃葉使人愁月明小艇湖邊宿



便是江南鸚鵡洲

先域志鄂州古迹有鸚鵡洲庾信詩春洲鸚鵡  
色流以桃花香李太白詩鸚鵡洲橫漢陽渡

蓼嶼

秋歸南浦蟪蛄鳴  
霜落橫湖沙水清  
臥雨幽花無限思  
抱叢寒蝶不勝情

家語孔子謂宰我曰遶山十里蟪蛄之聲猶  
在於耳江文通別賦送君南浦傷如之何

望雲樓

陰晴朝暮幾回新  
已向虛空付此身  
出本無心歸亦好  
白雲還似望雲人

華嚴經處世界如虛空如蓮花不著  
水尚明歸去來辭雲無心而出岫



天漢臺

漾水東流舊見經銀潢左界上通靈此臺試向天文覓  
閣道中間第幾星

尚書蟠冢導漾東流爲漢謝希逸月賦斜漢左界北陸南  
躔漢天文志天一紫宮後十七星絕漢抵營室曰閣道

待月臺

月與高人本有期挂簷低戶映蛾眉只從昨夜十分滿  
漸覺冰輪出海遲

二樂榭

此間真趣豈容談二樂并君已是三仁智更煩訶妄見  
坐令魯叟作瞿曇

公自注來詩云  
二見因妄生



漢泉亭

聞道池亭勝兩川應須爛醉荅雲煙  
勸君多揀長腰米消破亭中萬斛泉

杜子美詩爛醉是生涯李賀憶昌谷

山居詩長鎗江米熟小樹蒙花香

吏隱亭

吏隱出汝南先賢傳鄭欽事

縱橫憂患滿人間頗怪先生日日閑  
昨夜清風眠北牖朝來爽氣在西山

霜筠亭

解籜新篁不自持嬋娟已有歲寒姿  
要看凜凜霜前意須待秋風粉落時



蘇軾一詩曰北窗格不煩書格  
有亭是東望不待可作字訪去

# 無言亭

殷勤稽首維摩詰敢問如何是法門彈指未終千偈了  
向人還道本無言

## 露香亭

亭下佳人錦繡衣滿身瓔珞綴明璣晚香消歇無尋處  
花已飄零露已晞

西域記西域國人有冠花縵身衣  
瓔珞詩小雅湛湛露斯匪陽不晞

## 涵虛亭

水軒花榭雨爭妍秋月春風各自偏惟有此亭無一物  
坐觀萬景得天全



谿光亭

決去湖波尚有情，卻隨初日動簷楹。  
谿光自古無人畫，憑仗新詩與寫成。

古詩話詩人以畫爲無聲詩，詩爲有聲畫。

過谿亭

身輕步穩去忘歸，四柱亭前野杳微。  
忽悟過谿還一笑，水禽驚落翠毛衣。

爾雅略約，獨木橋也。廬山記：遠公與陶元亮往修靜談道，不覺過虎溪，因相與大笑，故世傳三笑圖。

披錦亭

煙紅露綠曉風香，燕入鶯啼春日長。  
誰道使君貧且老，

春色正却如新秋。

未向溪邊有酒。



繡屏錦帳咽笙簫

禊亭

曲池流水細鱗鱗  
高會傳觴似洛濱  
紅粉翠娥應不要  
畫船來往勝於人

何遜下方山詩鱗鱗水逆去瀾瀾急還舟晉東晉傳武帝問三日曲水之義暫曰昔周公城洛邑因流水以泛酒故逸詩云羽觴隨波又秦昭王以三日置酒河曲見金人奉水心之劍曰令君制有西夏乃霸諸侯因此立爲曲水二漢相承皆爲盛集

菡萏亭

日日移牀趁下風  
清香不盡思何窮  
若爲化作龜千歲  
巢向田田亂葉中

史記龜策傳有神龜在江南嘉林中常巢於芳蓮之上抱朴子千歲龜巢於蓮葉或在叢著之下樂府江南曲江南可採蓮蓮葉何田田



茶蘼洞

長憶故山寒食夜野茶蘼發暗香來分無素手簪羅髻

且折霜蕤浸玉醅

長憶故山一作半雨半晴

簣簣谷

異物志簣簣生水邊長數尺圍一尺五六寸一節相去六七寸廬陵界有之始興以南尤多

漢川修竹賤如蓬斤斧何曾赦籜龍料得清貧饒太守

渭川千畝在曾中

公有文與可畫簣簣谷偃竹記云與可與其妻游谷中燒笋晚食發函得此詩失笑噴飯滿案

盧仝寄舅詩竹林吾最惜新筍好看守萬籜抱龍兒攢迸溢林藪吾眼恨不見心腸痛如搗籜龍正稱冤莫殺入汝口丁寧囑付汝汝活籜龍否更記貨殖傳渭川千畝竹其人與千戶侯等

寒蘆港

溶溶晴港漾春暉蘆笋生時柳絮飛還有江南風物否



寄題上原一見

桃花流水鱖魚肥

祖禮切

魚肥

張志和漁父詞西塞山頭白鳥飛桃花流水鱖魚肥  
永衡記黃河二月三月水名桃花水韻注鱖刀魚也

野人廬

少年辛苦事犁鋤剛厭青山遶故居老覺華堂無意味  
卻須時到野人廬

此君菴

寄語菴前抱節君與君到處合相親寫真雖是文夫子  
我亦真堂作記人

杜子美丹青引必逢佳士亦寫真王注名竹為抱節君先生  
新語也與可畫竹名之曰墨君有堂焉先生作墨君堂記

香橙徑

波峭多姿



金橙縱復里人知不見鱸魚價自低須是松江煙雨裏

小船燒碓擣香齏

王注鱸魚所以爲鱸金橙所以爲齏松江之鱸江南所稱也此爲金齏玉鱸又詳卷十和蔣夔寄茶詩注

南園

不種天桃與綠楊使君應欲候農桑春畦一作雨過羅紈  
膩夏隴風來餅餌香

北園

漢水巴山樂有餘一麾從此首歸塗北園草木憑君問  
許我他年作主無

予者君自爲意也兩詩  
確之德意以首郡星徑  
依字義遠本位不著取  
此布局

顏延年五君詠屢薦不入官一麾乃出守  
杜牧之將赴吳興詩擬把一麾江海去



寄題刁景純藏春塢

白首歸來種萬松待看千尺舞霜風年拋造物陶甄外  
春在先生杖屨中楊柳長齊低戶暗櫻桃爛熟滴堦紅  
何時卻與徐元直共訪襄陽龐德公

景純藏春塢前有岡皆種松公有詩云爲君栽插萬松岡白樂天夢游春詩門柳  
暗全低簷櫻紅半熟襄陽記龐德公居峴山之南未嘗入城府諸葛孔明每至德  
公家獨拜林下德公初不令止司馬德操嘗詣德公值其上冢德操徑入其室呼  
德公妻子使速作黍徐元直向云當來就我與德公談其妻子皆羅拜堂下奔走  
共設須臾德公還直入  
相就不知何者是客也

玉盤盂二首

并序

東武舊俗每歲四月大會于南禪資福兩寺以芍  
藥供佛而今歲最盛凡七千餘朶皆重跗累萼繁



麗豐碩中有白花正圓如覆盂其下十餘葉稍大  
承之如槃姿格絕異獨出於七千朶之上云得之  
於城北蘇氏園中周宰相莒公之別業也而其名  
俚甚乃爲易之

雜花狼籍占春餘芍藥開時掃地無兩寺粧成寶璣珞  
一枝爭看玉盤盂佳名會作新翻曲絕品難尋舊畫圖  
從此定知年穀熟姑山親見雪肌膚

莊子逍遙遊藐姑射之山神人居焉肌膚若冰  
雪綽約若處子其神凝使物不疵癘而年穀熟

花不能言意可知令君痛飲更無疑但持白酒勸嘉客  
直待瓊舟覆玉彝負郭相君初擇地看羊屬國首吟詩



吾家豈與花相厚更問殘芳有幾枝

周禮六彝皆有角六彝謂鷄彝鳥彝斚彝黃彝虎彝蜼彝  
注舟所以薦彝如今之承盤也負郭看羊俱用蘇氏事

和潞公超然臺

我公厭富貴常苦勲業尋相期赤松子永望白雲岑清  
風出談笑萬竅爲號吟吟成超然詩洗我蓬之心嗟我  
本何人麋鹿強冠襟身微空志大交淺屢言深囑公如  
得謝呼我幸寄音但恐酒錢盡煩公揮橐金

漢張良傳注赤松子仙人號神農時爲雨師事見劉向列仙傳詩大雅穆如清風  
再見莊子齊物論作則萬竅怒號逍遙遊夫子猶有蓬之心也夫張景陽詠史揮  
金樂當年歲暮不留儲杜子美戲簡鄭廣文賴有蘇司業時  
時與酒錢漢書陸賈傳出所使越橐中裝賣千金分其子

聞喬太博換左藏知欽州以詩招飲



身三向有人不忌諱  
今日此詩則疑矣

此詩指飲說得其玄

施註蘇詩卷之十一

八

今年果起故將軍幽夢清詩信有神馬革裹屍真細事  
虎頭食肉更何人陣雲冷壓黃茅瘴羽扇斜揮白葛巾  
痛飲從今有幾日西軒月色夜來新

公先有鐵溝行贈喬云今年定起故將軍故此云果且曰信有神也杜子美詩醉裏從爲客詩成覺有神後漢馬援傳男兒要當死於邊野以馬革裹屍還葬耳何能臥牀上在兒女子手中邪班超傳相者曰生燕頤虎頭飛而食肉此萬里侯相也史記天官書陣雲如立垣再見通直子瘴論嶺南從仲春訖仲夏行青草瘴季夏訖孟冬行黃茅瘴蜀諸葛亮與司馬宣王對於渭濱王戎服范事使人視亮乘素車葛巾羽扇指揮三軍

喬將行烹鵝鹿出刀劍以飲客以詩戲之

破匣哀鳴出素虬倦看鴟鴞聽啾啾明朝只恐兼烹鶴  
此去還須卻佩牛便可先呼報恩子不妨仍帶醉鄉侯  
他年萬騎歸應好奈有移文在故丘



學友議歸隱劉琨詩 用漢龔遂事注見前 韓退之送石處士詩忽時將軍馬日德報恩子唐三續撰 鄉記以配劉伶酒德頌皮日休詩他年謁帝言何事請贈劉伶作醉侯孔稚珪北山移文引云周彦倫先隱北山後出為海鹽令欲還山稚珪乃假山靈之意作文移之

次韻劉貢父李公擇見寄二首

白髮相望兩故人 眼看時事幾番新 曲無和者應思郢

論 少卑之且借秦歲惡詩人無好語公自注公擇來詩皆道吳中饑苦之事 夜長

鰥守向誰親公自注貞父近喪妻 少思多睡無如我 鼻息雷鳴撼四鄰

宋玉對楚王問客有歌於郢中者云云其曲彌高其和彌寡漢張釋之傳釋之言便宜事文帝曰卑之母甚高論令今可行於是言秦漢間事漢賈山傳言治亂之道借秦為喻名曰至言李賀詩沙路歸來聞好語早火不光天下雨

何人勸我此閒來 絃管生衣甌有埃 綠蟻濡脣無百斛 蝗蟲撲面已三回 磨刀入谷追窮寇 灑涕循城拾棄孩



為郡鮮歡君莫歎猶勝塵土走章臺

蘇埃用後漢范丹甌中生塵事已見七卷注謝玄暉詩嘉鮐聊可薦綠囊方獨持  
史記秦始皇紀後贊餐未及下咽酒未及濡唇漢張敞傳敞守京兆尹誦職然無  
威儀時罷會過走馬章臺街公烏臺詩話時朝廷新法減削公使錢及造酒不得  
百石致管絃生衣甌釜生埃及言蝗蟲災傷盜賊四起旱澇饑饉以見政事竭大  
皆新法不  
便之故

寄黎眉州

黎眉州名錡字希聲蜀人志林云希聲治春秋有家法  
然為人質本遲緩劉貢父戲為黎樣子黎以為指其德  
不知樣子真是本也一日聯騎出市人有嚮之者大笑幾落馬今  
吾謫海南所居自此木霜實累然二君皆入鬼錄坐念故友之風  
味豈可復得劉固不泯於  
世黎亦能文字不苟隨者

整堂柳筆字至瑋  
相題板三言極有骨力  
以四行六行看

膠西高處望西川應在孤雲落照邊  
瓦屋寒堆春後雪峨眉翠掃雨餘天  
治經方笑春秋學好士今無六一賢

公自注君以春秋受知歐陽  
文忠公公自號六一居士  
且待淵明賦歸去共將詩酒趁流年



韓退之寄盧仝詩春秋三傳束高閣獨抱遺經究終始按王介甫素不喜春秋目  
為斷爛朝報時介甫方得志故云治經方笑春秋學公為看人黎方守看故有淵  
明歸去之句

和趙郎中捕蝗見寄

趙郎中成伯時以  
尚書郎倅密州

麥穗人許長穀苗牛可沒天公獨何意忍使蝗蟲發驅  
攘著令典農事安可忽我僕既胼胝我馬亦款矻飛騰  
漸云少筋力亦已竭苟無百篇詩何以醒睡兀初如疏  
畎澮漸若決澮渤往來供十吏腕脫不容歇平生輕妄  
庸熟視笑魏勃愛君有逸氣詩壇專斬伐民病何時休  
吏職不可越慎無及世事向空書咄咄

韓退之稻畦詩魚肥知已秀鶴沒覺初深尚書澮畎澮距川漢遊俠傳陳遵為河  
南太守至官召書史十人治私書謝京師故人遵馮几口占書數百封唐王勣傳



為鳳閣舍人壽春等五王出閣有司具儀忘載冊文羣臣已在方悟其闕勅召五吏執筆分占其辭粲然唐蘇頌傳為中書舍人時書詔填委口所占授輕重無所差書吏白曰司公徐之不然手腕脫矣漢高五王傳灌嬰聞魏勃本教齊王反使使召責問勃勃退立股戰而栗恐不能言者灌將軍熟視笑曰人謂魏勃勇妄庸人耳漢宣帝紀更或越職踰法以取名譽晉郭浩傳雖被放黜口無怨言但終日書空作咄咄怪事四字

登常山絕頂廣麗亭

漢杜陵

地記曰司公在什物亭

若在司公地

西望穆陵關東望琅邪臺南望九仙山北望空飛埃相將叫虞舜遂欲歸蓬萊嗟我二三子狂飲亦荒哉紅裙欲仙去長笛有餘哀清歌入雲霄妙舞纖腰回自從有此山白石封蒼苔何嘗有此樂將去復徘徊人生如朝露白髮日夜催弃置當何言萬劫終飛灰

史記齊世家晉召康公命我先君曰東至海西至河南至穆陵北至無棣王注穆陵山在沂水縣瑯琊山在沂水胸山諸城三縣界始皇嘗登山樂之作瑯琊臺地



右云諸城東南又九仙山在錢塘臨安或云在密州諸城縣杜子美慈恩塔詩回首叫虞舜蒼梧雲正愁虞全詩蓬萊山在何處玉川子乘此清風欲歸去積飛燕外傳帝嘗與后坐瀛洲樹后歌歸風送遠之曲帝以文犀筇擊玉甌令后所愛侍郎馬無方吹笙以倚后歌中流歌酣風大起后揚袖曰仙乎仙乎去故而就新順風揚音無方長喻細擲與相屬帝曰無方爲我持后遺捨笙持后履久之風霽后泣曰帝恩我使我仙去不得悵然泣數行下他日宮禁或懷焉爲縹號留仙焉又飛燕舞腰宛轉若流風之回雪晉羊祜傳登峴山顧謂鄒湛等曰自有宇宙便有此山由來賢達勝士登此遠望如我與卿者多矣然盛衰無聞使人悲傷如百歲後有知魂魄猶應登此山也刻  
灰見七卷金門寺中絕句詩注

### 薄薄酒二首

并序

膠西先生趙明叔家貧好飲不擇酒而醉常云薄  
薄酒勝茶湯醜醜婦勝空房其言雖俚而近乎達  
故推而廣之以補東州之樂府旣又以爲未也復  
自和一篇聊以發覽者之一喙云耳



薄薄酒勝茶湯麤麤布勝無裳醜妻惡妾勝空房五更待漏鞞滿霜不如三伏日高睡足北牕涼珠襦玉柙萬人相送歸北邙不如懸鵲百結獨坐負朝陽生前富貴死後文章百年瞬息萬世忙夷齊盜蹠俱亡羊不如眼前前一醉是非憂樂兩都忘

西京雜記漢制諸陵皆珠襦玉匣形如鎧甲以金縷之張景陽七哀詩北邙何處纍高陵有四五借問誰家墳皆云漢世主王注子真衣若懸鵲董京衣百結宋國有田夫嘗衣縕賸自曝於日顧其妻曰負日之暄人莫知將獻之於吾君莊子駢拇篇藏與穀二人牧羊而俱亡其羊問藏則挾箠讀書問穀則博塞以遊二人事業不同其於亡羊均也伯夷死名於首陽之下盜跖死利於東陵之上二人所死不同其於殘生傷性均也

薄薄酒飲兩鍾麤麤布著兩重美惡雖異醉暖同醜妻惡妾壽乃公隱居求志義之從末不計較東華塵土北



隱風百年雖長要有終富死未必輸生窮但恐珠玉  
君容千載不朽遭樊崇文章自足欺盲聾誰使一朝富  
貴面發紅達人自達酒何功世閒是非憂樂本來空

應璩古樂府道上逢三叟何以得此詩中興前致詞室內妻妾醜漢高祖紀幾敗  
乃公事東華塵前輩戲語有西湖風月不如東華軟紅香土北牕風見前註漢王  
莽傳赤眉樊崇等入關燒長安宮室為墟宗廟園陵皆發掘准霸陵杜陵完文帝  
霸陵宣帝杜陵後漢劉盆子傳赤眉發掘諸陵凡有玉柙歛者率皆如生故遂多  
行浮機古樂府今日牛羊上丘隴當時近前而發紅白樂天嘗作酒功贊

### 同年王中甫挽詞

王中甫名介三衛人中嘉祐六年直言極諫科東坡入三等中甫四等為秘書丞知

靜海縣除秘閣校勘熙寧初介甫被召不復辭中甫寄詩曰草廬  
三顧動幽蛩蕙帳一空生曉寒蓋有所感介甫後賦詩云丈夫出  
處非無意猿鶴從來自不知為中甫發也介甫既得政神宗轉對  
羣臣中甫進疏云願陛下師心勿師人帝納之以除介甫且以奏  
疏示之介甫不樂深闢其言會考開封試與劉貢父言語往  
復御史劾之罷判鼓院歸館知湖州去郡卒官止祠部郎中



史記沈著此他校訂  
有女至情以此

不作古者而自有古意

先帝親收十五人

公自注仁宗朝賢良十五人今惟富鄭公張宣徽錢純老及余與舍弟在耳

四方爭看

擊鵬鷗如君事業真堪用  
顧我衰遲不足論  
出處陞沈十年後死生契闊幾人存  
他時京口尋遺迹宿草猶應有淚痕

詩國風死生契闊與乎成說杜子美詩他時一笑後今日幾人存

七月五日二首

法令所載尋醫為去官入務乃住理詩中所用蓋出此

避謗詩尋醫畏病酒入務蕭條北牕下  
長日誰與度今年苦炎熱草木困薰煮  
况我早衰人幽居氣如縷秋來有佳興  
秫稻已含露還復此微吟往和糟牀注

唐陸贄傳避謗不著書晉顧榮傳謂張翰曰惟酒可以忘憂但無如作病何王注詩尋醫謂不作詩也酒入務謂止酒不飲也杜子美詩苦熱汗臥江亭更深氣如縷



又羌村詩預知秋  
黍收已覺糟牀注

莫子何不用臆子

何處覓新秋蕭然北臺上秋來未云幾風日已清亮雲  
閒聳孤翠林表浮遠漲新棗漸堪剝晚瓜猶可餉西風  
送落日萬竅含悽愴念當急行樂白髮不汝放

詩國風八月剝棗萬竅注三見漢陽師傳人生行  
樂耳須富貴何時杜子美詩苦遭白髮不相放

趙郎中見和戲復答之

趙子吟詩如潑水一揮三百八十字奈何效我欲尋醫  
恰似西施藏白地趙子飲酒如淋灰一年十萬八千盃  
若不令君早入務飲竭東海生黃埃我衰臨政多繆錯  
羨君精采如秋鶚頗哀老子今日飲爲君坐嘯主畫諾



韓退之寄崔立之詩文如翻水成初不用意為白樂天簡簡吟十三行坐事調品  
不冒迷頭白地藏李太白襄陽歌云百年三萬六千日一日須傾三百盃若以歲  
計則當十萬八千杯矣神仙傳麻姑云海中行復揚塵鮑照蕪城賦直視千里外  
唯見起黃埃北夢瑣言符載為劉闢直贊云靈螭出水秋鶚乘風後漢馬援傳援  
為隴西太守任吏以職但總大體而已諸曹吏白外事輒曰此丞掾之任何足相  
煩頗哀老子使得遨遊若大姓侵小民黠羌欲拒旅此太守事耳前漢袁盎傳絲  
能日飲亡何詳四卷和劉道原詠史詩注後漢黨錮傳汝南太守實資任功曹范  
滂南陽太守成瑨亦委功曹岑晊二郡為謠曰汝南太守范滂博南陽實資主畫  
諾南陽太守岑公孝  
弘農成瑨但坐嘯

次韻周邠寄鴈蕩山圖二首

周邠字開祖錢塘人東坡  
侔杭三年與開祖數從湖

山之游見於酬唱故云西湖三載與君同  
是時開祖為樂清令鴈蕩山實在境內

指點先憑採藥翁丹青化出大槐宮眼明小閣浮煙翠  
齒冷新詩嚼雪風二華行觀雄陝右九仙今已壓京東

公自注將赴河中密邇太華九  
仙在東武奇秀不減鴈蕩也

此生的有尋山分已覺溫台落手



中

山志鴈蕩山在溫州樂清縣天下奇秀然自古圖牒不記祥符中方有人見之按西域書阿羅漢諾詎羅居震旦東南際大海鴈蕩山芙蓉龍湫唐貫休爲諾詎羅贊有鴈蕩經行雲漠漠龍湫宴坐雨濛濛句此山南有芙蓉峰下有芙蓉驛前臨大海未知鴈蕩龍湫所在後因伐木見山頂有大池相傳以爲鴈蕩下有二潭以爲龍湫云經行峽宴坐峰則後人因貫休詩名之者後漢龐公常入鹿門山采藥不返異聞集淳于夢醉夢二紫衣吏召夢曰大槐安國王致命以爲南柯太守及覺尋其所經由乃宅南大槐下蟻穴耳張平子西京賦綴以二華註大華少華也杜子美將適吳楚詩不意青草湖扁舟落吾手

西湖三載與君同馬入塵埃鶴入籠東海獨來看出日  
石橋先去踏長虹遙知別後添華髮時向樽前說病翁  
所恨蜀山君未見他年攜手醉郛筒

齊地記秦始皇作石橋欲過海看日出處有神能驅石下海石去不速神輒鞭之石皆流血山志天台山石橋廣不盈尺長數十丈下臨絕澗渡得平路上有樓臺玉闕碧林醴泉瑤草神奇莫可名狀舊稱金庭洞天華陽風俗錄郛人剡竹爲筒釀酒筒中閒以藕絲包以蕉葉信宿香達於外然後斷之俗號郛筒酒成都記郛



縣因水得名杜子美

詩酒憶鄒簡不用沽

送碧香酒與趙明叔教授

趙明叔教授膠西人

聞君有婦賢且廉勸君慎勿爲楚相不羨紫駝分御食  
自遣赤腳沽村釀嗟君老狂不知愧更吟醜婦惡嘲謗  
諸生聞語定失笑冬暖號寒臥無帳碧香近出帝子家  
鵝兒破殼酥流盎不學劉伶獨自飲一壺往助齊眉餉

史記滑稽傳優孟爲叔敖衣冠抵掌談語歲餘像孫叔敖莊王置酒優孟前爲壽王大驚欲以爲相優孟曰請歸與婦計之三日後復來曰婦言慎無爲楚相不足爲也如孫叔敖盡忠爲廉以治楚今死其子無立錫之地必如叔敖不如自殺於是莊王謝優孟名叔敖子封之寢丘又互見十卷寄呂穆仲詩注杜子美麗人行紫駝之峰出翠釜又御廚絲絡送八珍韓退之寄盧仝詩一奴長鬚不裹頭一婢赤腳老無齒又進學解又暖而兒號寒年豐而妻嘯饑碧香都尉王詵家釀也楚辭屈原九歌帝子降兮北渚註帝子謂堯女娥皇女英也鵝兒用杜子美詩已見前注晉劉伶傳伶求酒於妻妻弟泣諫曰君酒太過必宜斷之伶曰善吾不能自



禁惟當祝鬼神自誓便可具酒肉妻從之伶疏祝曰天生劉伶以酒爲名一飲一斛五斗解醒婦兒之言慎勿可聽仍引酒御肉塊然復醉又見十卷小兒詩注後漢梁鴻傳其妻孟光爲具食不敢於鴻前仰視舉案齊眉

趙旣見和復次韻荅之

長安小吏天所放日夜歌呼和丞相豈知後世有阿瞞

公自注曹公自言參之後北海樽前提私釀先生未出禁酒國詩語孤高

常近謗幾回無酒欲沽君卻畏有司書簿帳公自注近制公使酒過數法甚重

酸寒可笑分一斗日飲亡何足衰盎更將險語壓衰翁

只恐自是臺無餉

壯子馬謖蓋一而不黨命曰天放漢曹參相舍歌呼已見四卷再和詩注後漢孔融傳曹操以年饑兵興表制酒禁融頻書爭之多侮慢之辭融嘗爲北海相阿瞞操小字唐王續傳待詔門下省故事官給酒日三升或問待詔何樂荅曰良醢可戀耳侍中陳叔達聞之日給一斗時稱斗酒學士漢袁盎注再見



趙郎中往莒縣逾月而歸復以一壺遺之仍用

前韻

東鄰主人游不歸悲歌夜夜聞春相門前人鬧馬嘶急  
一家喜氣如春釀王事何曾怨獨賢室人豈忍交謫謗  
大兒踉蹌越門限小兒咿啞語繡帳定教舞袖掣伊涼  
更想夜庖鳴甕盎題詩送酒君勿誚免使退之嘲一餉

曲禮春不相史記商君傳童子不歌謠春者不相杵詩小雅我從事獨賢又國風  
我入自外室人交徧謫我韓退之贈張籍詩有兒雖甚憐教示不免簡若來好呼  
出踉蹌越門限漢東方朔傳伊優啞者辭未定也韓退之醉贈張祕書詩長  
安衆富兒盤饌羅羶葷不解文字飲惟能醉紅裙雖得一餉樂有如聚飛蚊

蘇潛聖挽詞

蘇潛聖名泳成都新繁人舉進士知乾州邛州官  
至職方郎中致仕其子名槩亦登第終著作郎

妙齡馳譽百夫雄晚節忘懷大隱中困隔無華真漢吏



文章爾雅稱吾宗趨時冒負平生志有子還應不死同

惟我閑思十年事數行老淚寄西風

後漢章帝紀元和二年詔曰安靜之吏惴惴無華杜子美詩出門搔白首苦負平生志左傳昭六年季平子曰子服氏有子哉三國吳張溫傳孫權問公卿曰溫當今與誰爲比顧雍曰當今無輩權曰如是張允不死也

### 和鼂同年九日見寄

仰看鸞鵠刺天飛富貴功名老不思病馬已無千里志  
騷人長負一秋悲古來重九皆如此別後西湖付與誰  
遣子窮愁天有意吳中山水要清詩

韓退之祭柳子厚文一片不復羣飛刺天晉王敦傳每酒後輒詠魏武樂府曰老驥伏櫪志在千里烈士暮年壯心不已楚辭宋玉九辨悲哉秋之爲氣也又皇天平分四時兮竊獨悲此稟秋杜牧之九日詩古往今來只如此牛山何必獨沾衣白樂天讀李杜集詩天意君須會人間要好詩

泥看柳絮。初白之洪。不語。自知。鮮矣。



送喬施州

王注喬敘字禹功嘗以太博換左藏知欽州其後除知施州

恨無負郭田二頃空有載行書五車江上青山橫絕壁  
雲間細路躡飛虵雞號黑暗通蠻貨蜂鬧黃連採蜜花  
共怪河南門下客不應萬里向長沙

公自注喬受知於吳丞相而施州風土大類長沙

負郭田注再見前莊子惠施多方其書五車酉陽雜俎波斯人謂牙爲白暗犀爲黑暗抱朴子通天犀有白理如線者以盛米置羣雞中雞往啄至輒驚卻故南人名曰駭雞犀也不草南中有蜜色黃味苦蜂銜黃連花作之

雪夜獨宿栢仙菴

施勝安公被雪不多移徙何而栢陸故也歎人巧象

晚雨纖纖變玉霰小菴高臥有餘清夢驚忽有穿牕片  
夜靜惟聞瀉竹聲稍壓冬溫聊得健未濡秋旱若爲耕  
天公用意真難會又作春風爛漫一作晴



韓退之詩廉纖晚雨不能晴韓詩外傳雪花曰霰謝惠連雪賦始綠夢而冒棟終  
開簾而入隙杜荀鶴雪詩巖谷惟聞折竹聲李太白荅丁十一詩待得明朝酒醒  
罷與君爛漫尋春暉

### 和孔郎中荆林馬上見寄

孔宗翰字周翰宣聖五十世孫與東坡密州為代未至以此詩先之

秋禾不滿眼宿麥種亦稀永媿此邦人芒刺在膚肌平  
生五千卷一字不救饑方將怨無襦忽復歌緇衣堂堂  
孔北海直氣凜羣兒朱輪未及郊清風已先馳何以累  
君子十萬貧與羸滔滔滿四方我行竟安之何時劍關  
路春山聞子規

漢書食貨志董仲舒曰願詔大司農使關中益種宿麥霍光傳若有芒刺在背北  
史崔儵傳大署其戶曰不讀五千卷書者無得入此室三國遺錄魏文帝云文為  
當代所宗讀書五千卷許登閣觀書登者才六人後漢廉范傳為蜀郡太守百姓  
歌之曰生無襦今方綉詩小序緇衣美武公也後漢孔融傳融字文舉為北海



相韓退之詩不知羣兒愚郡用故謗傷後漢輿服志中二千石二千石皆皂蓋朱兩轡其千石六百石朱左轡九域志劍門關隸利州路

留別零泉

公零泉記常山西南有泉乃琢石為井作亭其上而名之曰零泉古者謂吁嗟而求雨曰零

舉酒屬零泉白髮日夜新何時泉中天復照泉上人二

年飲泉水魚鳥亦相親還將弄泉手遮日向西秦

世說晉簡文入華林園顧謂左右曰會心處不必在遠翳然林水便自有濠濮間想也覺鳥獸禽魚自來親人社牧之途中絕句惆悵江湖釣竿手卻遮西日向長安

留別釋迦院牡丹呈趙倅

春風小院卻

初作

來時壁間惟見使君詩應問使君何處

去憑花說與春風知年年歲歲何窮已花似今年人老

矣去年崔護若重來前度劉郎在千里

本事詩博陵崔護清明日游都城南從居人家求飲扣門久之有女子以杯水至獨倚小桃佇立意屬殊厚明年復往門巷如故而扁鎖寂然因題詩左扉曰人面

前四句遲意初如閑  
出以要聲之情思惘然  
矣



不知何處去桃花依舊笑春風  
劉郎用劉禹錫句注再見

董儲郎中嘗知睢州與先人游過安丘訪其故

居見其子希甫留詩屋壁

殊有懷思而語之

白髮郎潛舊使君至今人道最能文  
隻雞敢忘橋公語

下馬來尋董相墳冬月負薪雖一作得免鄰人吹笛不堪

聞死生契闊君休問灑淚西南向白雲

補古與先人游意

漢武帝至郎署見一郎眉鬚皓白問何時為郎對曰臣姓顏名駟以文帝時為郎  
文帝好文而臣好武景帝好老臣尚少陛下好少臣已老是以三葉不遇上感其  
言擢為會稽都尉張衡賦龐參而郎潛令逮三葉而邁武後漢橋玄傳魏武祭橋  
文云士死知己懷此無忘又承從容約誓之言徂役之後路經由不以斗酒隻  
雞過相沃爵車過三步腹痛勿怨按三國魏太祖紀徂役作殂逝勿怨作勿怪國  
史補董仲舒墳在長安門人過必下馬故號下馬陵而語訛謂蝦蟇陵史記滑稽  
傳孫叔敖死其子窮困負薪而下馬思舊賦序余少與嵇康呂安居止接近其後  
各以事見法近將西邁經其舊廬于時日薄虞淵寒冰淒然鄰人有吹笛者發聲



寥亮追思曩昔游燕之好感音而歎故作賦  
云杜子美懷舊詩老罷知明鏡悲來望白雲

劉貢父見余歌詞數首以詩見戲聊次其韻

十載飄

一作漂

然未可期那堪重作看花詩門前惡語誰傳

去醉後狂歌自不知刺舌君今猶未戒灸眉吾亦更何  
辭相從痛飲無餘事正是春容最好時

杜牧之詩十載飄然繩檢外隋書賀若弼父敦臨刑呼弼謂曰吾以舌死汝不可  
不思因引錐刺弼舌戒以謹口晉郭舒爲主澄別駕荆上士人宗廩嘗因酒忤澄  
怒叱左右捧廩舒厲色謂左右曰使君過醉汝輩何敢妄動澄恚曰別駕狂邪因  
遣拊其鼻灸其眉舒跪而受之廩遂得免杜美醉時歌忘形到爾汝痛飲真吾師

除夜大雪留濰州元日早晴遂行中途雪復作

除夜雪相留元日晴相送東風吹宿酒瘦馬兀殘夢蔥  
朧曉光開旋轉餘花弄下馬成野酌佳哉誰與共須臾



鴻王字本便誤下五字  
便誤字刻於此後雖化之法

中又以國壯潤王之言  
淨作

晚雲合亂灑無缺空鵝毛垂馬駿自怪騎白鳳三年東  
方早逃戶連欹棟老農釋耒歎淚入饑腸痛春雪雖云  
晚春麥猶可種敢怨行役勞助爾歌飯甕

劉駕早行詩馬上元殘夢馬嘶時復驚白樂天詩頭前雪片似鵝毛曹唐游  
仙詩不知今夜游何處待從昔騎白鳳鳳晨諺霜滋打霧滋窮漢補飯甕

### 大雪青州道上有懷東武園亭寄孔周翰

超然臺上雪城郭山川兩奇絕海風吹碎碧琉璃時見  
三山白銀闕蓋公堂前雪綠牕朱戶相明滅堂中美人  
雪爭妍粲然一笑玉齒頰就中山堂雪更奇青松怪石  
亂瓊絲惟有使君游不歸五更上馬愁斂眉君不見淮  
西李侍中夜入蔡州縛取吳元濟又不見襄陽孟浩然



左言齋詩卷之十一

長安道上騎驢吟雪詩何當閉門一作飲美酒無人毀譽

河東守

杜子美詩天地黯慘忽異色波濤萬頃堆琉璃史記封禪書三神山其物禽獸盡白金銀為宮闕唐李愬討吳元濟會大雪夜入蔡城黎明禽元濟檻送京師王注或問鄭繁詩思對曰詩思在灞橋雪中驢背上又浩然有長安道中雪詩史記季布為河東守孝文時人有言其賢召欲以為御史大夫又言其勇使酒難近至雷邸一月見罷布進曰陛下以一人譽召臣以一人毀去臣臣恐天下有識者有以窺陛下也

至濟南李公擇以詩相迎次其韻二首

公擇知湖州東坡以

杭倅來會今自高密官滿過濟南而公擇復為守在焉

弊裘羸馬古河濱野闊天低糝玉塵自笑餐氈典屬國  
來看換酒謫仙人宦游到處身如寄農事何時手自親  
剩作新詩與君和莫因風雨廢鳴晨



何遜詠雪詩時逐微風起誰言非玉塵餐氎漢蘇武事武還至京師拜典屬國注  
已見前撫言賀知章一見李白呼爲謫仙人因解金龜換酒爲樂詩國風風雨如  
晦鷄鳴不已杜子美催樹鷄  
詩不昧風雨晨亂離減憂感

夜擁笙歌雪水濱回頭樂事總成塵今年送汝作太守  
到處逢君是主人聚散細思都是夢身名漸覺兩非親  
相從繼燭何須問蝙蝠飛時日正晨

送人作守羅友事見三卷送呂希道詩注老子名與身孰親左傳  
莊二十二年飲齊桓公酒樂公曰以火繼之蝙蝠注已見七卷

### 和孔君亮郎中見贈

偶對先生盡一樽醉看萬物洶崩奔優游共我聊卒歲  
骯髒如君合倚門只恐掉頭難久住應須傾蓋便深論  
固知嚴勝風流在又見長身十世孫

公自注嚴字君嚴弟嚴字  
君勝退之志其墓云孔世



卅八吾見其孫白而長  
身今君亮四十八世矣

謝靈運入彭蠡詩  
坂岸屢崩奔  
史記孔子世家  
優哉游哉  
維以卒歲  
翫麟倚門  
用趙壹句  
詳見七卷  
明日重九詩注

施註蘇詩卷之十一



施註蘇詩卷之十二

漫堂先生宋 犖

長洲顧嗣立

樸園先生張榕端

閱定

毗陵邵長蘅

刪補

商丘宋 至

詩四十首

起丁巳春雷京師至四月之官彭城以後作

送范景仁游洛中

小人真闇事閒退豈公難道大吾何病言深聽者寒憂  
時雖蚤白住世有還丹得酒相逢樂無心所遇安去年  
行萬里蜀路走千盤投老身彌健登山意未闌西游爲  
櫻筍東道盡鷄鸞杖屨攜兒去園亭借客看折花斑竹



寺弄水石樓灘鬻馬哀憐白驚雷怯笑韓薛書標洞府

公自注歐陽永叔嘗游嵩山日暮於絕壁上見苔蘚成文云神清之洞明日復尋不見

松蓋偃天壇試與劉夫子

重尋靖長官

公自注劉几云曾見人嵩山幽絕處眼光如猫意其爲靖長官也又送喬全詩引云靖長官唐末五代人得道不死

史記孔子世家顏回曰夫子之道至大故天下莫能容雖然夫子推而行之不容何病不容然後見君子戰國策馮忌見趙王曰服子曰客交淺而言深是亂也客曰不然交淺而言深是忠也按景仁嘗累疏力詆王安石安石大怒持其疏至手顛故云聽者寒隱丹經有大小還丹秦中歲時記唐有櫻筍廚白樂天歌馬吟忽憶家園須速去櫻桃欲熟筍應生左傳僖三十年舍鄭以爲東道主世說陳太丘詣荀朗陵貧儉無僕役乃使元方將車李方持杖從後唐白居易致仕洛中既老又病風將鬻其駱馬馬悲鳴復雷之作不能忘情吟又有賣駱馬詩嵩山韓退之題名云元和四年二月二十六日與樊宗師盧仝自洛中至少室謁李渤遂至龍潭下釣遇雷明日乃歸歐陽集古跋星右韓退之題名在洛陽嵩山天封宮石柱上刻之記龍潭遇雷事余爲西京畱守推官游嵩山入天封宮登山頂之武后封禪處有石記戒人游龍潭者毋語笑以黷神龍龍怒則有雷恐因念退之記遇雷意其有所誠也九域志洛陽有天壇山

次韻景仁畱別



公老我亦衰相見恨不數臨行一杯酒此意重山嶽歌

詞白紵清琴弄黃鐘濁詩新眇難和飲少僅可學欲參

有九激用國八學事益欲

兵部選有力誰如犖且作東諸侯山城雄鼓角南游許

過我不憚千里邈會當聞公來倒屣髮一作握

三

嵇叔夜養生論從衰得白從白得老沈約別范安成詩及爾各衰暮非復別離時勿言

杯酒明日難重持樂府解題白紵吳地所出白紵舞本吳舞也梁武帝令

沈約改其詞為四時歌周禮凡樂黃鐘為宮鄭氏云凡五聲宮之所生濁者為多

唐選舉志武選兵部主之朝野僉載崔湜為吏部侍郎有選人白湜曰某能翹關

負米湜笑曰若壯何不選兵部答曰外議謂侍郎下有氣力者即得選左傳莊三

十二年雩講於梁氏女公子觀之國人犖自牆外與之戲子般怒使鞭之公曰不

如殺之是不可鞭犖有力焉能投蓋於稷門晉嵇康傳高安服康高致每一相思

千里命駕三國王粲傳秦邕聞粲有門倒屣迎之史記魯世家周公一沐三握髮

一飯三

吐哺

### 書韓幹牧馬圖



第二句如去三字上成句而神  
味便減

面首言祇只係承一着承位  
亦法亦他初翁嘉政解折  
校油常詩似此好詩法

南山之下汧渭之間想見開元天寶年八坊分屯監秦

川四十萬匹如雲煙騅駼駟駱驪騊驔白魚赤兔驛皇

韃胡安切龍顙鳳頸獐且妍奇姿逸德隱驚頑碧眼胡兒手

足鮮三字聲極歲時翦刷供帝閑拓袍臨池侍三千紅粧照日光

流淵樓下玉螭吐清寒往來蹙同蹙踏生飛湍衆工舐筆

和朱鉛先生曹霸弟子韓廐馬多肉尻旁脂音誰圓肉中

畫骨誇尤難金羈玉勒繡羅鞍鞭筆刻烙傷天全不如

此圖近自然平沙細草荒芊綿驚鴻脫兔爭後先王良

挾策飛上天何必俯首服短轡

史記秦始皇紀非子好馬周孝王召使主馬於汧渭之間唐兵志唐初得突厥馬  
二千匹又得隋馬三千於赤岸澤徙之隴右監牧之制始於此用張萬歲領羣牧



自貞觀麟德四十年間馬七十六萬六千置八坊岐涇寧閒地廣千里自萬歲  
失職馬政頗廢開元初國馬益耗及王毛仲領內外閒廐馬稍稍復始二十四萬  
至十三年及四十三萬王毛仲傳從帝東封牧馬數萬疋每色一隊相閒如錦繡  
天子才之杜子美天育驃騎歌當時四十萬匹馬張公數其才盡下詩駟頌有驂  
有駟又駟駟驪魚駟皇俱見駟頌驃駟見爾雅赤兔呂布馬名唐顏駟駟番大馬  
劉琬馬賦龍頭烏目麟腹虎背杜胡馬行鳳臆麟鬣木易識周禮校人掌王馬之  
政天子十有二閑馬六種六典曰隋文帝服拓黃袍巾帶聽朝遂以為常莊子田  
子方篇宋元君將畫圖衆史皆至紙筆和墨在外者生杜子美丹青引贈曹將軍  
弟子弟韓幹早入室亦能畫馬窮殊相幹惜畫肉不畫骨忍使驂驄氣凋喪漢東方  
朔傳結股腳連膽尻莊子馬蹄篇伯樂曰我善治馬燒之剔之刻之錐之連之以  
羈馬編之以阜棧馬之死者十二三矣曹相賦駟若驚鴻宛若游龍史記田單傳  
後如脫兔敵不及拒天文志漢中四星曰天駟旁一星曰王良王良策馬車騎滿  
野漢王褒傳及至駕麟郝駿且王良執靶韓哀附輿縱馳騁驚忽如  
景靡過都越國蹤如歷塊追奔電逐遺風漢灌夫傳局促効轅下駒

### 送魯元翰少卿知衛州

公自密移守河中至京師改徐州  
時有旨不許入國門寓城外范園

公園故首句云云魯元翰名有聞以蕭簡公之姪自知南康代還  
王介甫問江南如何元翰對新法當為異日患介甫怒僅得碎杭  
公時亦為杭倅與魯同官魯先代去七  
卷有壽星寺餞魯少卿詩即元翰也



冗士無處著寄身范公園桃花忽成陰薺麥秀已繁閉

門先作春畫永惟有黃蜂喧誰人肯攜酒共醉榆柳村髯卿

獨何者一月三到門梅生我不性拜之髯來意彌敦堂堂元

老後亶亶仁人言憶在錢塘歲情好均弟昆時於冰雪

中笑語作春溫欲飲徑相覓夜開叢竹軒特搜尋到篋笥

鮓醢無復存存每愧煙火中玉腕親炮燂別來今幾何相

對如夢魂告我當北渡新詩值清樽坡陀太行麓洶湧

黃河翻仕宦非不遇王畿西北垣斯民如魚耳見網則

驚奔皎皎千丈清不如尺水渾刑政雖首務念當養其

源一聞襦袴音盜賊安足言

一結立言得神不似理路如  
煙口現於新語如渴得  
志玉玉如割玉玉如割云



蜀關羽傳猶未若髯之絕倫逸羣也晉謝安傳弱冠詣王濛濛曰此客壘壘爲來逼人左傳昭三年君子曰仁人之言其利溥哉杜子美貽柳少府詩柳侯披衣笑見我顏色溫又醉時歌得錢卽相覓沽酒不復疑小說載詩云吹火紅唇動指薪玉腕斜遙觀煙裏面恰似霧中花事見孟啓本事詩襦袴用後漢廉范事見前卷和孔耶中詩注

次韻子由送蔣夔赴代州學官

功利爭先變法初典刑獨守老成餘窮人未信詩能爾倚市懸知繡不如代北諸生漸狂簡牀頭雜說爲爬梳歸來問鴈吾何敢疾世王符解著書

史記貨殖傳刺繡文不如倚市門東漢王符隱居著書三十篇以譏當世得失號曰潜夫論又皇甫規解官歸安定鄉人有以貨得鴈門太守者亦去職還家書刺謁規規臥不迎旣入問卿在郡食鴈美乎有頃又白玉符在門規素聞符名乃驚遽而起衣不及帶屣履迎門接符手而還與同坐極歡時人爲之語曰徒見二子石不如一逢掖



宿州次韻劉涇

劉涇字巨濟

沉著

我欲歸休瑟漸希舞雩何日著春衣多情白髮三千丈  
無用蒼皮四十圍晚覺文章真小伎早知富貴有危機  
爲君垂涕君知否千古華亭鶴自飛

公自注涇之兄  
沐亦有文死矣

李白秋浦歌白髮三千丈緣愁似箇長枉子美古柏行霜皮溜雨四十圍黛色參  
天二千丈富貴危機音諸葛長民語見七卷韓子華石淙詩注晉書陸機臨死  
嘆曰華亭鶴唳  
豈可復聞乎

和李邦直沂山祈雨有應

佳語却極奇姑以佳以  
如耳其意也

高田生黃埃下田生蒼耳蒼耳亦已無更問麥有幾蛟  
龍睡足亦解慙二麥枯時雨如洗不知雨從何處來但  
聞呂梁百步聲如雷試上城南望城北際天菽粟青成



初白謂一精不題此語  
由却之修改印收此章  
致正意也

堆饑火燒腸作牛吼不知待得秋成否  
半不雨坐龍  
慵其怨天公不怨龍今朝一雨聊自贖  
龍神社鬼各言  
功無功日盜太倉穀嗟我與龍同此責  
勸農使者不汝  
谷因若作詩先自効

杜子美詩雨降不濡物良田起黃埃  
莊子達生篇孔子觀於呂梁縣水三十仞流  
沫四十里王注呂梁今謂百步洪在彭城郡東  
龍神見法華經社鬼見漢王莽傳  
漢孫寶傳張忠辟為屬欲令授子經更為除舍  
設饌饒實自効去韓退之詩家請  
官供不報答無異鼠雀偷太倉行抽手版付丞  
相不待彈劾還耕桑公詩亦此意

### 和孔密州五絕

見邸家園畱題

大旆傳聞載酒過小詩未忍著磚磨  
陽關三疊君須祕

公自注來詩  
有渭城之句  
除卻膠西不解歌



王注漢於燉煌龍勒縣置陽關後人因以陽關名曲按先生詩詎舊傳陽關三疊然今世歌者每句再疊而已若通一首言之又是四疊皆非是或每句三唱以應三疊之說則叢然無復節奏余在密州有文勛長官者以事至密自云得古本陽關其聲宛轉凄斷不類向之所聞每句皆再唱而第一句不疊乃知古本三疊蓋如此及在黃州偶讀樂天對酒詩云相逢且莫推辭醉聽唱陽關第四聲注云第四聲勸君更盡一杯酒以此驗之則第一句不疊審矣

春步西園見寄

歲歲開園成故事年年行樂不辜春今年太守尤難繼  
慈愛聰明惠利人

漢馮奉世傳奉世子野王與弟立相代為上郡太守治行畧相似  
吏民歌之曰大馮君小馮君兄弟繼踵相因循聰明賢知惠吏民

東欄梨花

梨花淡白柳深青柳絮飛時花滿城惆悵東欄二株雪

人生看得幾清明



韓退之詩走馬城西憫  
悵歸不忍千株雪相映

### 和流杯石上草書小詩

蜂腰鶴膝潮希逸  
春蚓秋蛇病子雲  
醉裏自書醒自笑  
如今二絕更逢君

南史齊陸厥傳永明時盛為文章吳興沈約陳郡謝朓琅邪王融以氣類相推轂  
汝南周顒善識聲韻約等文皆用四聲制顒有平頭上尾蜂腰鶴膝之病世呼為  
永明體又謝莊字希逸王玄謨問何者為雙聲疊韻答曰公瓠為雙聲破曉為疊  
韻齊王彧之傳蕭子雲近出擅名江表然僅得成書無丈夫之氣行若縈春蚓  
字字如縮秋蛇唐張旭每醉或以頭濡墨而書既醒自視以為神不可復得也南  
史顧野王傳宣城王為揚州刺史野王及王褒並為賓客王於東府起齋令野王  
書古賢王褒書  
贊時稱為二絕

### 堂後白牡丹

城西千葉豈不好  
笑舞春風醉臉丹  
何似後堂冰玉潔



游蜂非意不相干

公自注孔頗有聲妓而客無見者

後堂用張禹傳字詳見八卷張子野年八十五詩注晉衛玠傳嘗謂人有不及可以情恕非意相干可以理遣故終身不見喜怒之容

和趙郎中見戲

公自注趙以徐妓不如東武詩中見戲云只有當時燕子樓

燕子人亡三百秋

一作

簾那復似揚州西行未必能勝

此空唱崔徽上白樓

白樂天燕子樓詩序徐州故尚書張建封愛妓曰盼盼張既沒第中有小樓名燕子盼盼念舊愛而不肯嫁居是樓十餘年幽獨塊然卷簾用杜牧之詩已見四卷吉祥寺賞牡丹詩注麗情集元微之崔徽傳云蒲女也裴敬中使蒲徽一見動情不能忍敬中使回徽以不得從為恨久之成疾寫真以寄裴且曰崔徽一旦不及卷中人矣微之為作崔徽歌三國呂布傳魏太祖圍布登白門樓圍急乃下降酈道元水經注南門謂之白門

我擊藤牀君唱歌明年六十奈君何

公自注趙每醉歌畢輒曰明年六十矣醉顛

只要衰風景莫向人前自洗磨



安得一役便有生動致以  
遊手四極

和子由與顏長道同游百步洪相地築亭種柳  
平明坐衙不暖席歸來閉閣開終日臥聞客至倒屣迎  
兩眼蒙籠餘睡色城東泗水步可到路轉河洪翻雪白  
安得青絲絡駿馬蹙踏飛波柳陰下奮身三丈兩蹄間  
振鬣長鳴身自乾少年狂興久已謝但憶嘉陵遠劍關  
劍關大道車方軌君自不去歸何難山中故人應大笑  
築室種柳何時還

漢書汲黯傳黯多病臥閤內不出歲餘東海大治史記張儀傳秦馬之良探前缺  
後蹄間三尋騰者不可勝數三國志注劉備乘馬名的盧走檀溪中溺不得出  
備急曰的盧今日死矣可努力乃一踴三丈遂得出九域志嘉陵江在果州一說  
出大散關南行劍門關東向閬中與涪水會戰國策蘇秦說齊宣王曰九父之險  
車不得方軌  
馬不得並行



次韻李邦直感舊

騶騎傳呼出跨坊簿書填委入充堂誰教按部如何武  
只許清樽對孟光婉婉有時來入夢溫柔何日聽還鄉  
酸寒病守尤堪笑千步空餘僕射場

漢東方朔傳注騶泰廐之御也後以爲騎謂之騶騎蕭望之傳仲翁出入從舍頭  
廬見下車趨門傳呼甚寵王注出而騶騎傳呼則凌跨坊巷入而簿書填委則充  
滿堂廳或云跨坊乃籠街之義劉公幹詩職事煩填委文墨紛消散漢書何武傳  
行部必先卽學官見諸生試其誦論問以得失然後入傳舍出記問舉田頃畝五  
穀美惡已過見二千石以爲常韓退之詩孤游懷耿介旅宿夢婉婉趙飛燕外傳  
成帝見合德曰吾當老此溫柔鄉不復效武皇老白雲鄉也韓贈張僕射詩汴泗  
交流郡城角斷  
場千步平如削

與梁先舒煥泛舟得臨釀字二首

彭城古戰國孤客勸登臨汴泗交流處清潭百丈深故



人輕千里足重來相尋何以娛佳客潭水洗君心

彭城徐州也古大彭氏國自春秋至唐未多戰守之地漢高項羽劉裕皆起彭城  
晉嵇康傳呂安服其高致每相思千里今駕戰國策蘇秦足重寶日百而合走  
外關顧兒於前口道天下之事李太白詩君思  
賴水淥忽復歸嵩岑歸時莫洗耳為我洗君心

老守厭簿書先生罷函丈風流魏晉間談笑羲皇上河

洪一作壽忽已過水色綠可釀君無輕此樂此樂清且放

禮記非飲食之客則布席席間函丈鄭氏謂講問之客也王注魏晉  
聞士尚清談慕達節視名教吏事為俗又陶淵明自謂羲皇上人

### 次韻答邦直子由四首

增收一首公詩案云李清臣寄賦  
弟轍詩二首批云可求子瞻和賦

卻作詩二首和李清臣其內一首首句云五斗塵勞尚足留集中  
失載此詩今附於後又云軾又用弟轍韻與李清臣六首蓋東坡  
次韻通為八首集中止有四首今收詩案一首猶逸其  
三也按所收詩施本又闕其半無他本可校姑仍之

簿書顛倒夢魂閒知我疎慵有見原閑作閑門僧舍冷



病間吹枕海濤喧忘懷杯酒逢人共引睡文書信手翻

欲吐狂言喙三尺怕君嗔我卻須吞

公自注邦直屢以此見戒

韋應物郡齋詩惟我出塵意賞愛似僧家白樂天詩引睡臥看書莊子徐無鬼丘願有喙三尺朝野僉載陸餘慶爲洛州善論事而謬於判事時嘲之曰說事喙長

三尺判事

手重五斤

城南短李好交游箕踞狂歌總自由尊主庇民君有道

樂天知命我無憂醉呼妙舞畱連夜

公自注邦直家中舞者甚多

開作清

詩斷送秋蕭灑使君殊不俗樽前容我攬長興不

繫辭樂天知命故不憂杜子美詩畱連春夜舞攬鬢用栢伊撫掌事三見

老弟東來殊寂寞故人畱飲慰酸寒草荒城角開新徑  
雨入河洪失舊灘車馬追陪迹未掃唱酬往復寧應漫



此詩更欲憑君改待與江南子布看

韓退之詩酸寒溧陽尉後漢杜密傳劉勝自蜀郡告歸鄉里閉門掃軌註云軌車迹也後漢禰衡傳初達潁川陰懷一刺無所之適至刺字漫滅典遷奈襲聞劉判州嘗自作書欲與孫伯符以示禰正平正平蚤之言如是為欲使孫策帳下見讀之邪將使張子布見乎

君雖為我此遲留別後淒涼我已憂不見便同千里遠  
退歸終作十年遊恨無揚子一區宅懶臥元龍百尺樓  
聞道鷁鷁滿臺閣網羅應不到沙鷗

以却落籍

三國志陳登字元龍許汜見先主曰元龍湖海之士豪氣不除昔遭亂過下邳見元龍無客主之意久不相與語自上下大牀臥使客臥下牀劉備曰君有國士之名而求田問舍言無可採是元龍所諱也何緣當與君語如我欲臥百尺樓上臥君於地何但上下牀之間邪後漢儒林傳網羅遺逸博存眾家

五斗塵勞尚足雷閉關卻欲治幽憂羞為毛遂囊中穎

未許朱雲  
龍逢地下遊缺事會酒成好飲區歸時飲東樓表君幕府如僧舍日向城南看浴鷗

元龍猶子路中事至激



文中子或問劉靈何人也曰古之閉關人也幽憂亭出莊子已見前注史記平原君傳秦圍邯鄲平原君求合從於楚取於門下客得十九人有毛遂者自贊備員曰使遂得處囊中乃穎脫而出漢朱雲傳臣願賜尚方斬馬劍斷佞臣一人以厲其餘上問曰誰也對曰安昌侯張禹上大怒御史將雲下雲攀殿檻檻折雲呼曰臣得從龍逢比干遊於地下足矣

司馬君實獨樂園

直隄隱

青山在屋上流水在屋下有五畝園花竹秀而野花香襲杖屨竹色侵盞竿樽酒樂餘春棋局消長夏洛陽古多士風俗猶爾雅先生臥不出冠蓋傾洛社雖云與衆樂中有獨樂者才全德不形所貴知我寡先生獨何事四海望陶冶兒童誦君實走卒知司馬持此欲安歸造物不我捨名聲逐吾輩此病天所赅撫掌笑先生年

兒童之可為文也甚速用相如長辭越不用宜尼此舉



來效啗姬

孟浩然符公蘭若詩綠篠夾路旁清泉流舍下柳子厚盤屋縣食堂記青山在前  
流水在下可以俯仰可以燕樂濯水燕談司馬文正公以高才全德大得中外之  
望士大夫識與不識稱之曰君實下至閭閻畝畝匹夫匹婦莫不能道司馬公身  
退十餘年而天下之人日冀其復用於朝漢蒯通信足下欲持是安歸乎三國鍾  
會傳謂所親曰我淮南已來畫無遺策四海共知特此安歸後漢法真傳友人郭  
正稱之曰逃名而名我隨避名而名我追王注古者刑人赭衣若莊子天刑之意  
耳舊注用始皇赭山非是烏詩案供此詩言四海蒼生望司馬光  
執政陶冶天下以譏見任執政不得其人又譏新法處處不便也

送顏復兼寄王鞏

顏復字長道魯人父名太初字醇之先師  
充公四十七世孫號鳧繹先生東坡為叙

其文嘉祐中訪遺逸京東以長道應詔試者二十二人復為第一  
賜進士出身元祐初入為太常博士遷二史經筵西掖以病改  
待制未拜而

卒鞏字定國

彭城官居冷如水誰從我遊顏氏子我衰且病君亦窮  
衰窮相守正其理胡為一朝捨我去輕衫觸熱行千里

順筆直是以前調筆後似  
不覺只消



問君無乃求之歟答我不然聊爾耳京師萬事日日新  
故人如故今有幾君知牛行相君宅扣門但覓王居  
清詩草聖俱入妙別後寄我書連紙苦恨相思不相見  
約我重陽嗅霜藥君歸可喚與俱來未應指目妨進擬  
太一老仙閑不出公自注張安道爲中太一宮使鞏安道增也踵門問道今時矣因  
行過我路幾何願君推挽加鞭箠吾儕一醉豈易得買  
羊釀一作酒酒從今始

韓退之贈張籍詩予又捨我去我懷焉所窮牛行鞏大父文正公居牛行街見徐  
度南牕紀史記范雖傳鄭安平言於王稽曰臣里中有張祿先生欲見君言天下  
事其人有仇不敢書見王稽曰夜與俱來漢陳勝傳旦日卒中往往指目勝廣舊  
唐書李珣傳文宗語珣曰竇易直勸我凡宰相進擬五取三三取一韓退之詩買  
羊酤酒謝不敏



蝎虎

富利、玄与山蛇虎诗  
墨园

黃雞啄蝎如啄黍  
牕間守宮稱蝎虎  
闇中繳尾伺飛螭  
巧捷功夫在腰膂  
跂跂脉脉善緣壁  
陋質從來誰比數  
今年歲旱號蜥蜴  
狂走兒童鬧歌舞  
能銜渠水作冰雹  
便向蛟龍覓雲雨  
守宮努力搏蒼蠅  
明年歲旱當求汝

漢東方朔傳上嘗使諸數家射覆置守宮孟下射之皆不能中朔曰臣以爲龍又無角謂之爲蛇又有足跂跂脉脉善緣壁是非守宮卽蜥蜴段公路北戶雜錄蠅以器養之食以丹砂體盡赤搗之以點女人支體終身不滅姪則點落故號守宮顏師古漢書注亦云揚雄方言在澤中者謂之蜥蜴楊文公談苑魏庠言昔游關中佛寺見沙門有善胡法者置蜥蜴甕中使童男女數十衣青衣伺蜥蜴聲呪曰蜥蜴蜥蜴興雲吐霧雨今滂沱放汝歸去歲旱爲之頗有應

子由將赴南都與余會宿於逍遙堂作兩絕句  
讀之殆不可爲懷因和其詩以自解余觀子由



自少曠達天資近道又得至人養生長年之計  
而余亦竊聞其一二以為今者宦游相別之日  
淺而異時退休相從之日長既以自解且以慰

子由云

子由遺遙堂詩序云轍幼從子瞻讀書未嘗一日相舍既壯將遊宦四方讀韋蘇州詩至郡知風雨夜復此對牀眠

惻然感之乃相約早退為閑居之樂故子瞻始為鳳翔幕府時詩為別曰夜雨何時聽蕭瑟其後子瞻通守餘杭復移守膠西而轍滯雷於淮陽濟南不見者七年熙寧十年二月始復會於澶濮之間相從彭城雷百餘日時宿於逍遙堂追感前約為作二小詩其一載首卷與子由別於鄭州西門詩注其一云秋來東閣涼如水客至山公醉似泥困臥北牕呼不醒風吹松竹雨淒淒

別期漸近不堪聞風雨蕭蕭已斷魂猶勝相逢不相識  
形容變盡語音存

定平任沉痛

李太白通塘曲相逢不相識出沒繞通塘後漢夏馥傳黨錮事起馥自剪須髮形隱匿姓名為治家傭形貌毀瘁人無知者弟靜遇馥不識聞其言聲乃覺而拜之



改上刻書日山人受之竹印于  
其西語其澤也下不

但令朱雀長金花此別還同一轉車五百年間誰復在

會看銅狄兩容嗟

陰真君金液還丹歌北方正氣為河車東方甲乙成丹砂兩情合養歸一體朱雀調護生金花注云朱雀火也後漢蒯子訓傳人於長安東霸城見之與一老翁共摩挲銅人相謂曰適見鑄此今已近五百歲矣

畱題石經院三首

蔥蒨門前路行穿翠密中卻來堂上看巖谷意無窮

天矯庭中檜枯枝鵲踏消瘦皮纏鶴骨高頂轉龍腰

窈窕山頭井潛通伏澗清欲知深幾許聽轉作輓轡聲

過雲龍山人張天驥

郊原雨初足風日清且好病守亦欣然肩輿白門道荒



田咽蛩蚓村巷懸黎棗下有幽人居閉門空雀噪西風  
高正厲落葉紛可掃孤童臥斜日病馬放秋草壚里通  
有無垣牆任摧倒君家本冠蓋絲竹鬧鄰保脫身聲利  
中道德自濯澡躬耕抱羸疾奉養百歲老詩書膏吻頰  
菽水媿翁媪鳥老反饑寒天隨子杞菊自擷萐慈孝重邵南  
雞狗相乳抱吾生如寄耳歸計失不蚤故山豈敢忘但  
恐迫華皓從君好一作種秫斗酒時自一作勞

白門見本卷和趙郎中見戲詩注顏延年詩仄同幽人居郊扉常晝閉陶潛傳躬耕自資遂抱羸疾揚雄方言周晉秦隴謂父曰翁漢高祖紀月媪注劉川及漢中皆謂老嫗為媪又曰媪女老稱也陸龜蒙杞菊賦序天隨生宅荒前後皆樹以杞菊春苗恣肥得以采擷詩國風采芣苢薄言擷之又參差苒芎左右芣之董邵南事詳十卷蘇州姚氏三瑞堂詩魏明帝樂府人生如寄多憂何為法苑珠林支遁在剡謝安與書云人生如寄年終日歲歲建君來以晤言肖之種秫用陶潛



書法見七卷  
歲時伏臘烹羊烹魚斗酒自勞

贈王仲素寺丞

公自主  
名景純

養氣如養兒棄官如棄泥人皆笑子

一作子

拙事定章誰述

歸耕獨患貧問子

一作子

何所齎尺宅足自庇寸田有餘畦

明珠照短褐陋室生虹霓雖無孔方兄顧有法喜妻彈

琴一長嘯不答阮與嵇曹南劉夫子名與子政齊家有

鴻寶書不鑄金裹蹄促膝問道要遂蒙分刀圭不忍獨

不死尺書肯見梯我生本強鄙少以氣自擠孤舟倒江

河赤手攬象犀年來稍自笑留氣暖下臍苦恨聞道晚

意象颯已凄空見孫思邈區區賦病梨



老子專氣致柔能如嬰兒乎晉經欲養兒慎風池黃庭經寸田尺土以治兩  
 間為上丹田心為絳宮田臍下三寸為下丹田晉唐靈錢神論錢之為體有乾坤  
 之象觀之如兄字曰孔方維摩經法喜以為妻慈悲以為女晉孫登傳登好讀易  
 撫一弦琴見者皆親樂之文帝聞之使阮籍往與語不應嵇康又從之游二年問  
 其所圖終不答長蕭即孫登事注見八卷惠山謁錢道人詩劉夫子或云劉詡  
 王注先生在惠州時有書與宜翁咨問道要自以杜門屏居胸中廓然實無荆棘  
 有受道之質且曰或有外丹已成可助黎黎者望不惜分惠其書載晚陵集一  
 曰劉安世待制字器之曹南人得養生煉丹術公嘗師之漢楚元王傳略四字子  
 政本名更生淮南王有枕中鴻寶苑秘書言神仙使鬼物為金之術更生入德治  
 淮南獄得其書更生幼而讀誦以為奇獻之上令典尚方鑄作事方多不效乃下  
 更生吏漢武帝紀太始二年詔更黃金為麟趾褭蹄韓愈博士李君墓誌尔自袁  
 州還京師襄陽乘舸邀我於蕭州屏人曰我得秘藥不可獨不死今遺子一器襄  
 陽孟簡也時為節度使唐盧照鄰得惡疾從孫思邈  
 問養生之道庭前有病梨樹照鄰乃作賦以自悲

陽關詞三首

王注三詩各自說事意皆可以陽關之聲  
 歌之乃聚為一處標其題曰陽關三絕云

受降城下紫髯郎戲馬臺前古戰場恨君不取契丹首  
 金甲牙旗歸故鄉



漢匈奴傳令因杆將軍樂受降城唐晝朔方總管張仁愿於河北築三受降城以絕突厥南寇之路三國張遼問吳降人向有紫髯將軍爲誰答曰孫會稽又見七卷戲馬臺在彭城南項羽所作蕭子顯齊書武帝爲宋公在彭城九日出戲馬臺至今相承以爲舊準唐李華弔古戰場文浩浩乎平沙無垠覓不見人河水紫帶羣山糾紛亭長告余曰此古戰場也常覆三軍往往鬼哭天陰則聞兵書曰牙旗將軍之旗

### 右贈張繼愿

濟南春好雪初晴行到龍山馬足輕使君莫忘雪谿女  
時作陽關腸斷聲

唐地理志齊州濟南郡劉禹錫詩唱得陽關意外聲舊人惟有米嘉榮  
郗昂樂府解題許承新歌奏慢聲喜者聞之氣勇愁者聞之腸斷

### 右答李公擇

李公擇先知湖州自湖移濟南公故以雪谿女戲之

暮雲收盡溢清寒銀漢無聲轉玉盤此生此夜不長好  
明月明年何處看



李太白詩小時不識月喚作白玉盤

右中秋月

和孔周翰二絕

再觀邸園留題

小園香霧曉蒙籠醉手

一作守

狂詞未必工魯叟錄詩應有

取曲收彤管邶鄘風

詩國風靜女其變貽我彤管箋云彤管筆赤管也古者后夫人必有女而外事無大小記以成法王注嘗聞高密老儒之言曰邶氏有賢婦孀居不嫁其節高故公此詩用靜女彤管邶鄘之風也

觀淨觀堂效韋蘇州詩

弱羽巢林在一枝幽人蝸舍兩相宜樂天長短三千首



卻愛韋郎五字詩

莊子逍遙遊鵲巢於深林不過一枝高士傳焦先作蝸牛廬呻今其中注已見  
前白氏文集記樂天有文集七帙合六十七卷凡三千四百十七首舊唐書白居易  
易與元微之書云韋蘇州歌行清麗之外頗近興調其五言又高雅閒澹自成一  
家之體今之秉筆者誰能及之然當蘇州在時人亦未甚愛重必待身後則愛之

涼師哭任遵聖

任遵聖名孜蜀山人二卷有送任俊通判黃  
州兼寄其兄孜作下篇答任師中即及也

先儒情懷及入道至傷惻惻

筆之作題云居三平  
句中有其語相語之深至

一頁千丈

十年不還鄉兒女日夜長豈惟催老大漸復成凋喪每  
聞耆舊亡涕泣聲輒放老任況奇逸先子推輩行文章  
得少一作小得譽詩語尤清壯吏能復所長談笑萬夫上自喜  
作劇縣偏工破豪黨奮髯走猾吏嚼齒對姦將哀哉命  
不偶每以才得謗竟使落窮山青衫就黃壤宦游久不  
樂江海永相望退耕本就君時節相勞餉此懷今不遂



歸見累累葬望哭國西門落日銜千嶂平生惟一子抱  
負珠在掌見之齟齬中已有食牛量他年如入洛生死  
一相訪惟有王濬冲心知中散狀

禮記孔子泣然流涕晉阮籍傳文帝讓九錫公卿將勸進使籍爲其辭籍沉醉忘  
作臨詣府使取之見籍方據校醉眠使者以告籍便書案使寫之無所改竄辭甚  
清壯漢灌嬰傳景帝曰魏其沾沾自喜耳晉書袁甫嘗詣何勗自言能爲劇縣勗  
問惟欲宰縣不爲臺閣職何也甫曰人各有能與不能奮髀用前漢朱博事注已  
見唐書張巡裂皆血面齟齬皆碎潘安仁懷舊賦墳壘壘以按龍栢森森以攢植  
杜子美詩堂中食見一珠新韓詩外傳男子八月生齒八歲而齟齬女子七月生  
齒七歲而齟齬尸子虎豹之駒雖未成文已有食牛之氣韓愈別竇司直詩行當  
挂其冠生死君一訪晉嵇紹中散大夫康之子也紹始入洛或謂王戎曰昨於稠  
人中始見嵇紹昂昂如野鶴之在雞  
羣戎曰君復未見其父爾濬冲戎守

答任師中家漢公

先君昔未仕杜門皇祐初道德無貧賤風采照鄉閭何



此詩創自王功而堅于杜  
工部以詩為事而不散不元  
全由筆力不固為大力以運  
之即如長篇遠例以

詩之原也此理也  
力之於詩也如控之

嘗疎小人小人自閑疎出門無所詣老史在郊壩門前  
萬竿竹堂上四庫書高樹紅消梨小池白芙蓉常呼赤  
腳婢雨中擷園蔬矯矯任夫子罷官還舊廬是時里中  
兒始識長者車烹雞酌白酒相對歡有餘有如龐德公  
往還葛與徐妻子走堂下主人竟誰歟我時年尚幼作  
賦慕相如侍立看君談精悍實起予歲月曾幾何耆老  
逝不居史侯最先沒孤墳拱桑樗我亦涉萬里清血滿  
襟袪漂流二十年始悟萬緣虛獨喜任夫子老佩刺史  
魚威行烏白蠻解籛請冠裾方當入奏事清廟陳璠璣  
胡為厭軒冕歸意不少紓上蔡有良田黃沙走清渠罷



拾入嘉慶乙丑五凌泊

以下清古卷

亞百頃稻雍容十年儲閒隨李丞相搏射鹿與豬蒼鷹  
十斤重猛犬如黃驢豈比陶淵明窮苦自把鋤我今四  
十二衰髮不滿梳彭城古名郡乏人偶見除頭顱已可  
知幾何不樵漁會當相從去芒鞋老菑畬念子瘴江邊  
懷抱向誰攄賴我同年友相歡出同輿冰盤薦文鮪公自  
注鮪鮪也戎廬常有玉竿傾浮蛆醉中忽思我清詩綴瓊琚知我少  
一作所諧教我時卷舒世事日反覆翩如風中旗雀羅弔  
廷尉秋扇悲婕妤升沈一何速喜怒紛衆狙作詩謝二  
子我師甯與濠

王注先君言編禮也皇祐仁宗年號又老史名經字彥輔著之老儒當作思子臺  
武公建興之惠藝文志兩都各聚書以甲乙天丁為欠列經史子集四庫其



本有子嗣軀體牙頰皆異色以別之三秦記漢武帝園有犬黎如五升瓶落地則碎名舍消梁漢陳平傳平家貧門外多長者車轍龐德公事詳十一卷寄題刁景純詩注漢揚雄傳先是司馬相如作賦弘麗溫雅雄心壯之每作賦嘗擬之以爲式杜子美詩草玄五豈敢賦或似相如漢嚴延年傳爲人短小精悍敏捷於事梁益州記雋州其地接諸蠻部有烏蠻白蠻杜子美詩山帶烏蠻闢又烏蠻瘴遠隨漢書終軍傳將有解編髮削左衽襲冠帶要衣裳而蒙化者焉注編讀曰辯遠論語璿璣魯之寶玉也孔子曰美哉遠而望之煥若也近而視之瑟若也罷亞禾名本作穠穠已見七卷注史記李斯傳爲秦丞相下吏顧其子曰吾欲與若復牽黃犬俱出上蔡東門逐狡兔豈可得乎又見首卷石鼓詩注按師中嘗爲蔡州新息令邑人愛之爲買田故用上蔡東門事晉夏侯湛傳與潘岳友善出同輿接茵周禮獻人春獻王鮪詩國風投我以木瓜報之以瓊琚雀羅衆狙注並見前文選趙飛燕姊弟得幸班婕妤失寵作怨扇曲云常恐秋節至涼飈奪炎熱棄捐篋笥中恩情中道絕用遠寄武子據伯玉也潘安仁閑居賦雖吾顏之云厚猶內媿於箕籛

## 施註蘇詩卷之十二



施註蘇詩卷之廿三

出



施註蘇詩卷之十三

漫堂先生宋 犖

長洲顧嗣立

閱定

毗陵邵長蘅

刪補

樸園先生張榕端

商丘宋 至

詩四十一首

時守彭城作

初別子由

我少知子由天資和而清好學老益堅表裏漸融明豈  
獨爲吾弟要是賢友生不見六七年微言誰與賡常恐  
坦率性放縱不自程會合亦何事無言對空杯使人之  
意消不善無由萌森然有六女包裹布與荆無憂賴賢



婦藜藿等大烹使子得行意青衫陋公卿明日無晨炊

倒牀作雷鳴秋眠我東閣夜聽風雨聲懸知不久別妙

理難

一作車

細評昨日忽出門孤舟轉西城歸來北堂上古

屋空崢嶸退食悞相從入門中自驚南都信繁會人事

水火爭念當閉閣坐頽然寄聾盲妻子亦細事文章固

虛名會須掃白髮不復用黃精

詩小雅雖有兄弟不如友生王注子由題先生像贊亦云人曰吾兄我曰吾師朝野僉戴唐德宗夏中微行西明寺宋濟方葛中捉鼻抄書上曰措大茶求一椀濟曰鼎水方煎有茶可自潑之又問作何事業是何姓行濟曰姓宋第五應進之舉須臾聞呼官家濟皇恐起拜上曰宋五大坦率後聞禮部放榜上令探濟無名曰宋五又坦率也韋弘嗣博奕論所志不出一枰之上所務不過方卦之間唐韻枰博局也莊子田子方篇東郭順子其爲人也正容以悟物使人之意也洎後漢梁鴻傳妻荆釵布裙風雨聲用韋應物詩意王注南都則南京也時子由從張文定簽書南京判爲此別也韓集石鼎聯句安使水火爭五代史弘肇傳會飲王章第



蘇逢吉戲之弘肇大怒以醜語詬逢吉由是將相如水火  
杜子美丈人山詩掃除白髮黃精在君看他時冰雪容

次韻呂梁仲屯田

雨葉風花日夜稀一杯相屬竟何時空虛立敢酬瓊玉  
枯朽猶能出菌芝門外呂梁從迅急胸中雲夢自逶遲  
待君筆力追靈運莫負南臺九日期

庾信屏風詩風花直亂回唐孟遲懷鄭洎詩風蘭舞幽香雨葉墮寒滴柳子厚與  
蕭儉書雖朽枿敗腐猶足蒸出芝菌以爲瑞物呂梁雲夢注竝見前宋武述征記  
九月九日王登戲馬臺宴百僚賦  
詩作者百餘人謝靈運最爲工

章質夫寄惠崔徽真

崔徽注  
已見

玉釵半脫雲垂耳亭亭芙蓉在秋水當時薄命一酸辛  
千古華堂奉君子水邊何處無麗人近前試看丞相嗔



不如丹青不解語世間言語原非真知君被惱更愁絕  
卷贈老夫驚老拙爲君援筆賦梅花未害廣平心似鐵

郭子橫洞真記元鼎元年芝招靈閣有神女留一玉釵與帝帝以賜趙婕妤至昭  
帝元鳳中宮人猶見此釵共謀欲碎之明日視釵匣惟見白燕直飛昇天後宮人  
作釵因名玉燕釵李賀詩要釵斜釵玉燕光華嶽靈姻傳雲髮垂耳李太白詩清  
水出芙蓉天然去雕飾又李樂府有妾薄命篇杜子美麗人行三月三日元氣新  
長安水邊多麗人又李賀近前丞相真楊貴妃遺事太液池有千葉白蓮帝指妃  
示左右曰何如我解詩花冠子美絕句江上被花惱不徹無處告訴只顛狂唐皮  
日休桃花賦序李賀真李賀之爲相負姿勁質剛態毅狀疑其鐵腸石  
心不解二婉媚詞然花冠詩清便當得南朝徐庾體殊不類其爲人也

王聳屢約重九見訪既而不至以詩送將官梁

交且見寄久韻答之交頗文雅不類武人家有

侍者甚惠麗

知君月下見傾城破恨懸知酒有兵老守亡何惟日飲



將軍競病自詩鳴花枝不共秋欹帽筆陣空來夜斫營  
愛惜微官將底用他年只好寫銘旌

南史江諮議有言酒猶兵也兵可千日而不用不可一日而不備酒可千日而不飲不可一飲而不醉唐韓偓詩酒衝愁陣出奇兵日飲競病注並再見韓退之送孟東野序東野始以其詩鳴其高出魏晉不懈而及於古杜子美醉歌行筆陣獨掃千人軍吳志甘寧傳受救出斫敵前營至二更時銜枚出斫敵敵驚動遂退白樂天詩晝聽笙歌夜斫營禮記銘明旌也以死者爲不可別已故以其旗識之杜牧之詩黃壤不霑新雨露粉書空換舊銘旌

臺頭寺雨中送李邦直赴史館分韻得憶字人

字兼寄孫巨源二首

霜林日夜西風急老送君歸百憂集清歌窈眇入行雲  
雲爲不行天爲泣紅葉黃花秋正亂白魚紫蟹君須憶  
憑君說向髯將軍衰鬢相逢應不識



杜子美詩悲見生涯百憂集漢元帝紀帝自度曲被歌聲分判節度窮極幼眇外  
戚傳武帝悼李夫人賦惟幼眇之相羊註幼眇猶窈窕也列子秦青撫節悲歌聲  
振林木響遏行雲五行志無雲而雨爲雨泣將  
軍注再見白樂天詩相逢應不識滿領白髭鬚

珥筆西歸近紫宸太平典冊不緣麟付君此事寧論晉  
載我當時舊過秦門外想無千斛米墓中知有百年人

看君兩<sup>一作雙</sup>眼明如鏡休把春秋坐素臣

文選曹植表執鞭珥筆註戴筆也潘岳贈陸機傳優游省闈珥筆華軒史記孔子  
世家西狩獲麟曰吾道窮矣乃因史記作春秋晉陳壽傳壽撰三國志時人稱其  
善敘事有良史之才張華深善之謂壽曰當以晉書相付耳賈誼過秦論史記秦  
本紀漢書項籍傳皆載其略晉陳壽傳丁儀丁廙有盛名於魏陳壽謂其子曰可  
覓千斛米當爲尊公作佳傳子不與竟不作傳集異記鄭郊過一冢上有竹兩竿  
青翠可愛吟曰墓上兩竿竹風吹長裊裊久不能續忽聞冢中人賡之曰下有百  
年人長眠不知曉王注詩意言必不如陳壽之希求當念墓中之人而發其潛光  
也韓退之論史書左丘明紀春秋時事以失明杜預左氏傳序說者以爲仲尼自  
衛反魯脩春秋立素王丘明爲素臣漢昭帝紀大將軍國家忠臣敢有譖毀者坐  
之公詩案熙寧十年九月內李清臣差知國史軾作詩送清臣云付君此事寧論



晉載我當時舊過秦賦於仁宗朝曾進論往古得失賦  
妄以賈誼自比意欲李清臣於國史中載賦所進論也

### 代書荅梁先

此身與世真悠悠蒼顏華髮誰汝畱強名太守古徐州  
忘歸不如楚沐猴魯人豈獨不知丘隣藉夫子無罪尤  
異哉梁子清而脩不遠千里從我游瞭然正色懸雙眸  
世之所馳子獨不一經通明傳節侯小楷精絕規摹歐

公自注梁生  
學歐陽公書

我衰廢學懶且媮畏見問事賈長頭別來紅

葉黃花秋夜夢見之起坐愁遺我駁石盆與甌黑質白  
章聲琳球謂言山石生澗溝追琢尚可王公差感子佳  
意能無酬反將木瓜報珍投學如富貴

一作賈

在博收仰取



俯拾無遺籌道大如天不可求修其可見致其幽願子  
篤實慎勿浮發憤忘食樂忘憂

漢百官表郡守秦官景帝中二年更名太守家語魯人不識孔子聖人乃曰彼東  
家丘者吾知之矣莊子讓王篇夫子再逐於魯殺夫子者無罪藉夫子者無禁漢  
韋賢傳號稱鄒魯大儒子玄成復以明經位至丞相賢薨諡節侯漢韓信傳媮衣  
靡食注媮苟且也賈長頭注見十卷贈上天竺辯才詩漢司馬相如傳白質黑章  
其儀可喜詩大雅追琢其章金玉其相左傳隱三年苟有明信澗谿沼沚之毛可  
薦於鬼神可羞於王公左太冲蜀都賦贊實時味王公羞焉詩國風投我以木瓜  
報之以瓊琚漢書貨殖傳魯人俗儉嗇而丙  
氏尤甚家自父兄子弟約頗有拾印有取

九日邀仲屯田爲大水所隔以詩見寄次其韻

無復龍山對孟嘉西來河伯意雄夸霜風可使吹黃帽

公自注舟人黃  
帽土勝水也

樽酒那能泛浪花漫遣鯉魚傳尺素却將燕

石報瓊華何時得見悲秋老醉裏題詩字半斜



河伯用莊子秋水篇詳七卷八月十五日看潮詩注杜子美詩纔侵隄柳繫慢卷浪花浮詩國風尚之以瓊華平而闕子宋之愚人得燕石梧臺之東歸而藏之以爲大寶杜九口詩老去悲秋強自寬又詩作詩呻吟內墨淡字歎傾

# 河復

并序

熙寧十年秋河決澶淵注鉅野入淮泗自澶魏以北皆絕流而濟楚大被其害彭門城下水二丈八尺七十餘日不退吏民疲於守禦十月十三日澶州大風終日旣止而河流一枝已復故道聞之喜甚庶幾可塞乎乃作河復詩歌之道路以致民願而迎神休蓋守土者之志也

君不見西漢元光元封間河決瓠子二十年鉅野東傾



淮泗滿楚人恣食黃河鱸萬里沙回封禪罷初遣越巫  
沈白馬河公未許人力窮薪芻萬計隨流下吾君仁聖  
如帝堯百神受職河神驕帝遣風師下約束北流夜起  
澶州橋東風吹凍收微淥神功不用淇園竹楚人種麥  
滿河淤仰看浮槎棲古木

溝洫志孝武帝元光中河決瓠子東南注鉅野通於淮泗上使汲黯鄭當時與人徒塞之輒復壞後二十餘年歲因以數不登上既封禪巡祭山川其明年乾封少雨乃使汲仁郭昌發卒數萬塞瓠子決河於是上用事萬里沙則還自臨決河湛白馬玉璧令羣臣從官自將軍以下皆負薪實決河是時東郡燒草以故薪柴少而下淇園之竹以爲楨帝悼功之不成作歌曰皇謂河公兮何不仁又曰河公許兮薪不屬卒塞瓠子築宮其上名曰宣防瓠子厚詩渡頭水落村徑成掩亂浮槎在高樹

登望饌亭

此詩墨蹟乃欽宗東宮舊藏今在曾文清家宿嘗刻石餘姚縣治東坡題云僕在彭城大水後登望饌亭偶留



此詩已忘之其後徐人有誦之者徐思之乃知其爲僕詩也集中無之以入河復詩後

河漲西來失舊磯孤城渾在水光中忽然歸壑無尋處  
千里禾麻一半空

韓幹馬十四匹

直起極老

任者作在

杜老詩宅記畫馬詩  
壯初大馬分馬核此  
以猶得法不加其化耳

二馬並驅攢八蹄二馬宛頸駿尾齊一馬任前雙舉後  
一馬却避長鳴嘶老髯奚官騎且顧前身作馬通馬語  
後有八匹飲且行微流赴勿若有聲前者既濟出林鶴  
後者欲涉鶴俛啄最後一匹馬中龍不嘶不動尾搖風  
韓生畫馬真是馬蘇子作詩如見畫世無伯樂亦無韓  
此詩此畫誰當看

初白三揮尾在健



韓非子伯樂教二人相蹠馬相與之簡子廐觀馬一人舉蹠馬其一人從後而循之三撫其尻而馬不蹠此自以爲失相其一人曰子非失相也此其爲馬也蹠肩而腫膝夫蹠馬也者舉後而任前蹠膝不可任也故後不蹠王充論衡漢楊翁偉乘蹠馬出遇放馬翁偉謂其御曰放馬目眇御曰何以知之曰彼駕轅中馬曰蹠此馬亦罵之曰眇其御往視之果眇馬也北夢瑣言浙人劉三復能記三生事云曾爲馬馬常患渴望驛而嘶傷其蹠則連心痛漢東方朔傳尻益高者鶴俛豕也杜子美丹青引斯須九重真龍出一洗萬古凡馬空又天育驃騎歌是何意態雄且傑驃尾蕭梢朔風起

有言郡東北荆山下可以溝畎積水因與吳正

字王戶曹同往相視以地多亂石不果還游聖

女山山有石室如墓而無棺槨或云宋司馬桓

黼墓二子有詩次其韻二首

按公遊桓山記云元豐二年正月巳亥春服旣成從

二子云云有詩別見

十六卷王注入此誤

側手區區未易遮奔流一瞬卷千家共疑智伯初圍趙



猶有張湯欲漕斜已坐迂疎來此地分將勞苦送生涯  
使君下策真堪笑隱隱驚雷響踏車

時河決水方退諺有側手障黃河之語戰國策智子攻趙襄子走晉陽圍而灌之  
城不浸者三版漢溝洫志有上書欲通褒斜道及漕事下御史大夫張湯言褒水  
通沔斜水通渭皆可以行船漕上以爲然拜湯子卬爲漢中守發數萬人作褒斜  
道五百餘里又待詔賞讓言治河有上中下策若乃繕完故堤增卑倍薄勞費無  
已數逢其害此最下策也

茫茫清泗遶孤岑歸路相將得暫臨試著芒鞋穿犂确

更然松炬照幽深縱令司馬能鑿石奈一作會有中郎解摸

金強寫蒼崖留歲月他年誰識此時心

九域志徐州泗水今呼清河南史顧歡好學而貧夕則燃松節讀書禮記孔子居  
於宋見桓司馬自爲石椁三年而不成夫子曰若是其靡也死不如速朽之愈也  
三國陳琳爲袁紹作檄書言曹操置發丘  
中郎將摸金校尉所過隳突無骸不露



題日本古詩六極同意  
此却是仿題奇悞同去  
不在孝位上

贈寫御容妙善師

如卷方切快一寫一書在

憶昔射策干先皇珠簾翠幄分兩廂紫衣中使下傳詔

跪奉冉冉聞天香仰觀眩晃目生暈但見曉色開扶桑

迎陽晚出步就坐絳紗玉斧光照廊野人不識日月角

彷彿尚記重瞳光三年歸來真一夢橋山松檜淒風霜

天容玉色誰敢畫老師古寺畫開一作房夢中神授心有

得覺來信手筆已忘幅巾常服儼不動孤臣入門涕自

滂元老侑坐鬢眉古虎臣立侍一作侍立冠劍長平生慣寫龍

鳳質有顧草間猿與麀都人踏破鐵門限黃金白璧空

堆牀爾來摹寫亦到我謂是先帝白髮郎不須覽鏡坐



終日西望思京多  
感慨

自了明年乞身歸故鄉

西京雜記漢昭陽殿織珠爲簾左思吳都賦藹藹翠幄爾雅東西廂謂之序楚辭九歌噫將出兮東方照吾檻今扶桑迎陽禁中門名唐唐儉傳高祖嘗召訪之儉曰公日角龍庭姓協圖讖係天下望久矣漢項羽傳亞重瞳子項羽亦重瞳子史記黃帝崩葬橋山詩國風溱洧沔沔書太宗方四歲有書生相之曰龍鳳之姿天日之表必能濟世安民李揆傳龍章鳳姿尚不見用驥頭鼠目子乃求官耶文房四譜隋僧智永善書人求題額門限穿穴乃以鐵葉裹之號鐵門限白髮郎用顏駟事詳十一卷董儲郎中詩註杜子美詩正疏乞骸骨黃冠歸故鄉

哭刁景純

刁景純名約升徙人少卓越刻苦學問能文章始應舉京師與歐陽永叔富彥國聲譽相高卜天聖二年登進

士第屈於爲郎施不耀士友歎惜而景純未嘗以爲恨好急人之難海內識與不識多歸之不治產業賓客故人常滿其門尊酒燕娛無虛時重義輕祿有古人之風壽八十四

讀書想前輩每恨生不蚤紛紛少年場猶得見此老此老如松柏不受霜雪槁古從毫末中自養到合抱宏材

寫書使人喜多胸次



相契深矣存此字

加言集詩卷之十三

乏近用千歲自枯倒文章餘正始風節貫華皓平生爲  
人耳自爲薄如縞是非雖難齊反覆看愈好前年旅吳  
越把酒慶壽考扣門無晨夜百過迹未掃但知從德公  
未省厭丘嫂別時公八十後會知難保昨日故人書連  
年喪翁媪公自注景純妻先亡傷心范橋水漾漾舞寒藻華堂不見  
人瘦馬空戀阜我欲江東去匏樽酌行潦鏡湖無賀監  
慟哭稽山道忍見萬松岡荒池沒秋草

老子合抱之木生於毫末晉衛玠傳謝鯨雅重玠相見欣然言論彌日王敦曰不  
意永嘉之末復聞正始之音再見德公詳見十一卷題藏春鳥詩注漢楚元王傳  
高祖微時常避事時時與賓客過其丘嫂食嫂厭叔與客來陽爲羹盡輒釜客以  
故去已而視釜有羹由是怨嫂范橋潤州范公橋以文正公得名揚雄方言梁宋  
齊楚之間謂櫪曰阜唐書賀知章字季真天寶初上章請度爲道士有詔賜鏡湖  
剡川一曲季白詩欲向江東去定將誰舉杯稽山無賀老卻棹酒船回晉阮籍傳



車迹所窮輒慟哭而返萬松岡存  
景純藏春鳥見八卷景純見和詩

荅呂梁仲屯田

一系世族等老健

亂山合沓圍彭門宮居獨在懸水村公自注懸水村呂梁地名居民蕭

條雜麋鹿小市冷落無雞豚黃河西來初不覺但訝清  
泗流奔渾夜聞沙岸鳴壑盜曉看雪浪浮鵬鷗呂梁自  
古喉吻地萬頃一抹何由吞坐觀入市卷問井吏民走  
盡餘王尊計窮路斷欲安適吟詩破屋愁鳶蹲歲寒霜  
重水歸壑但見屋瓦畱沙痕入城相對如夢寐我亦僅  
免爲魚鼈旋呼歌舞雜談笑不惜飲醕空餅盆念君官  
舍冰雪冷新詩美酒聊相溫人生如寄何不樂任使絳



諸一取林清偏是偏女不加  
此不取偏事如如不食菜  
小未即吟詩破屋水退  
昂然弄飲酌成何益哉

蠟燒黃昏宣房未築淮泗滿故道堙滅瘡痍存明年勞  
苦應更甚我當奮鍤先黥髡付君萬指伐頑石千鎚雷  
動蒼山根高城如鐵洪口快談笑卻掃看崩奔農夫掉  
臂免狼顧秋穀布野如雲屯還須更置軟腳酒為君擊  
鼓行金樽

韓退之詩餘瀾怒不已喧聒鳴鑿益漢嚴延年傳河南天下喉咽地顏師古曰言  
其所在襟要如人體之有喉咽也漢王尊傳為東郡太守河水盛溢泛浸瓠子金  
堤老弱奔走尊投沈白馬祀水神河伯尊執圭璧使巫策祝請以身填金堤因止  
宿堤上堤壞吏民皆奔走唯一主簿泣在尊旁立不動而水波稍卻回還杜子美  
羌村詩夜闌更秉燭相對如夢寐左傳昭二年劉子曰微禹吾其魚乎禮記盛於  
盆尊於鉶杜子美遭田父泥飲詩叫婦開大餅盆中為吾取宣房即宣防見本卷  
河復詩注又瓠子歌曰鵜桑浮兮淮泗滿謝靈運詩圻岸屢崩  
奔軟腳字見唐書楊國忠傳詳五卷鹽官部役戲呈同事詩注

張寺丞益齋

張寺丞名恕字忠甫文定公安道子



張子作齋舍而以益爲名吾聞之夫子求益非速成譬  
如遠游客日夜事征行今年適燕薊明年走蠻荆東觀  
盡滄海西涉渭與涇歸來閉戶坐八方在軒庭又如學  
醫人識病由飽更風雨晦明淫跛躄瘖聾盲虛實在其  
脉靜躁在其情榮枯在其色壽夭在其形苟能閱千人  
望見知死生爲學務日益此言當自程爲道貴日損此  
理在旣盈願言書此詩以爲益齋銘

左傳昭元年天有六氣浮生六疾氣曰陰陽風雨晦明也分爲四時序爲五節過  
則爲災史記扁鵲傳扁鵲望見桓侯而退走曰疾在骨髓雖司命無奈之何互見  
四卷和劉道原詠史詩注  
老子爲學日益爲道日損

荅孔周翰求書與詩



身閑曷不長閉口天寒正好深藏手吟詩寫字有底忙  
未脫多生宿塵垢不蒙譏訶子厚疾反更刻畫無鹽醜  
征西自有家雞肥太白應驚飯山瘦與君相從知幾日  
東風待得花開否撥棄萬事勿復談百觚之後那詞作

辭酒

史記張儀傳願陳子閉口無復言韓退之詩有底忙時不甯來柳子厚於崔書凡  
人好辭工書皆病癖也吾不幸蚤得二病學道以來日思砥鉞攻熨卒不能去吾  
子乃始欽欽思易吾病不亦惑乎又互見二卷石蒼舒醉墨堂詩注晉周顗傳使  
亮謂顗曰諸人咸以君方樂廣顗曰何乃刻畫無鹽唐安西施家雞詳入卷柳氏  
二外甥求筆跡詩注飯山瘦用李白飯顗山頭詩意詳九卷次韻沈長官注孔叢  
子昔平原君與子高飲強子高酒曰昔有遺諺堯舜千鐘孔子百觚子路嗑嗑尚  
飲百榼古之賢聖無不能飲子何辭焉

送李公恕赴闕



一往英銳如鋒不可  
輕言力著功如不克  
矣

世上海大校舊像詩品

君才有如切玉刀見之凜凜寒生毛願隨壯士斬蛟蜃  
不願腰間纏錦條用違其才志不展坐與胥吏同疲勞  
忽然眉上有黃氣吾君漸欲收英髦立談左右俱動色  
一語徑破千言牢我頃分符在東武脫畧萬事惟嬉遨  
盡壞屏障通內外仍呼騎曹爲馬曹君爲使者見不問  
反更對飲持雙螯酒酣箕坐語驚衆雜以嘲諷窮詩騷  
世上小兒多忌諱獨能容我真賢豪爲我買田臨汶水  
逝將歸去誅蓬蒿安能終老塵土下俯仰隨人如桔槔  
列子湯問篇周穆王征西戎西戎獻鍔銘之劍用之切玉如切泥焉東方朔十洲  
記亦云呂氏春秋荆有飲飛者得寶劍於江中渡中流兩蛟繞舟飲飛拔劍赴江  
刺蛟殺之王攄刀銘陸剗犀兕水藏魚鯢杜預大食寶刀詩蒼水使者捫赤條晉  
殷浩傳桓溫曰浩有德有言向使作令僕足以儀朝自撥朝廷用違其才韓退之



駭利及冗漫之事

擄生一息作此五言  
不仆

鄠城晚飲詩賦上赤雲呈勝氣詹問黃色見歸期韓退之淮西碑萬口和附符爲  
一談牢不可破晉阮籍傳文帝輔政籍嘗從容言於帝曰籍曾遊東平樂其風土  
帝大悅即拜東平相籍乘驢到郡壞府舍屏幃內外相望法令清簡旬日而還馬  
曹王子猷事對飲用曹參更舍歌呼意持螯用畢卓語並見前注漢書張耳傳高  
祖箕踞罵詈注箕踞者謂曲兩腳其形如箕莊子天  
運篇子獨不見夫桔槔者乎引之則俯舍之則仰

### 春菜

蔓菁宿根已生葉菲牙戴土拳如蕨爛蒸香薺白魚肥  
碎點青蒿涼餅滑宿酒初消春睡起細履幽畦掇芳辣  
茵陳甘菊不負渠鱸縷堆槃纖手抹北方苦寒今未已  
雪底波稜如鐵甲豈如吾蜀富冬蔬霜葉露芽寒更茁  
久拋松葛猶細事苦筍江豚那忍說明年投効徑須歸  
莫待齒搖并髮脫



補坊記注封蔓菁也陳宋之間謂之封劉夢得嘉話錄諸葛亮所止令軍士獨種蔓菁三蜀之人今呼爲諸葛菜南史周顒傳文惠太子問顒菜食何味最勝顒曰春初蚤韭秋末晚菰李白詩不知舊行徑初拳幾枝蕨杜牧晚晴賦雨晴秋容新沐兮折遶園而細履劉禹錫話菜之波稜者本西竺國僧自波稜國將其子來如苜蓿因張騫而至也韓退之祭十二郎文吾年未四十而視茫茫而髮蒼蒼而齒牙動搖又齒落詩餘在皆動搖盡落應始止

### 送鄭戶曹

鄭戶曹名瑾彭城人

遊遍錢塘湖上山歸來文字帶芳鮮  
羸僮瘦馬從吾飲陋巷何人似子賢  
公業有田常乏食廣文好客竟無氈  
東歸不趁花時節開盡春風誰與妍

後漢鄭太字公業結交賢豪家富於財有田四百頃而食常不足唐鄭虔傳玄宗置廣文館以虔爲博士故號鄭廣文在官貧約杜甫戲簡以詩曰才名四十年坐客寒無氈

### 虔州八境圖八首

并引



南康八境圖者太守孔君之所作也君旣作石城  
卽其城上樓觀臺榭之所見而作是圖也東望七  
閩南望五嶺覽羣山之參差俯章貢之奔流雲煙  
出沒草木蕃麗邑屋相望雞犬之聲相聞觀此圖  
也可以茫然而思粲然而笑慨然而歎矣蘇子曰  
此南康之一境也何從而八乎所自觀之者異也  
且子不見夫日乎其旦如槃其中如珠其夕如破  
璧此豈三日也哉苟知夫境之爲八也則凡寒暑  
朝夕雨暘晦明之異坐作行立哀樂喜怒之接於  
吾目而感於吾心者有不可勝數者矣豈特八乎



如知夫八之出乎一也則夫四海之外詖詭譎怪  
禹貢之所書鄒衍之所談相如之所賦雖至千萬  
未有一者也後之君子必將有感於斯焉乃作  
詩八章題之圖上

坐看奔湍

一作難

遶石樓使君高會百無憂三犀竊鄙秦太

守八詠聊同沈隱侯

華陽國志秦孝文王時李冰爲蜀守作石犀牛以厭水精穿石犀谿於江南岸杜  
子美石犀行君不見秦時蜀太守刻石立作三犀牛藝州圖經八詠樓在州南碑  
宋沈約文陽史沈約謚  
曰隱集中有東陽八詠

濤頭寂寞打城還章貢臺前暮靄寒勸客登臨無限思  
孤雲落日長安



多情似夢覺生動

陸子京著筆誤行  
不信

劉禹錫詩山園故國周遭在潮打空城寂寞回南康記贛縣東南山有臺方數丈  
有自然霞如屋形章貢臺乃章貢水合流處李太白詩長空去鳥沒落日孤雲邊  
白鵲樓前翠作堆縈雲嶺路若為開故人應在山外  
不寄梅花遠信來

朱樓深處日微明  
卓蓋歸時酒半醒  
薄暮樵漁人去盡  
碧谿青嶂遶螺亭

實字記昔有貧女暮宿亭採螺見衆螺張口撮其肉貧女死因  
葬水旁其冢化為巨石號曰螺亭石山在贛縣東南二十里

使君那暇日參禪  
一望叢林一悵然  
成佛莫教靈運後  
著鞭從使祖生先

大莊嚴論如是衆生者乃勝智叢林一切諸善行運集在其中南史謝靈運傳會稽太守孟顗事佛精懇而為靈運所輕嘗謂顗曰得道應須慧業丈人生天當在靈運前成佛必在靈運後晉劉琨傳與祖逖為友聞逖  
被用與琨故書曰吾枕戈待旦常恐祖生先吾著鞭



字號寫未如話

此首字句詳華而不生一

物此謂字之公外而附舉

公中故

此首確生本章一言起

領與河川三言同法

卻從塵外望塵中無限樓臺煙雨濛山水照人迷向背  
只尋孤塔認西東

杜牧之江南春詞南朝四百八十寺多少樓臺煙雨中詩  
蘇風零雨其堂唐皇甫冉詩山川迷向背風霧失旌旗

煙雲縹緲鬱孤臺積翠浮空兩半開想見之采觀海市

絳宮明滅是蓬萊

漢郊祀志八神五曰陽主祠之采山史記天宮書海傍蜃氣象樓臺廣野氣成宮  
闕之采在登州海中時時有雲氣如宮室臺觀城堞人物車馬冠蓋歷歷可見謂

市之海

回峰亂嶂鬱參差雲外高人世得知誰向空山弄明月

山中木客解吟詩

徐鉉帖鄱陽山中有木客自言秦時造阿房宮者食木實遂得不死時就民間飲  
酒為詩一章云酒盡君莫沽壺傾我當發城市多置塵還山弄明月顧況集亦云



南康記額縣東南山上有臺風雨之後景氣明淨頗聞山上鼓吹聲即山都木客吟唱也

讀孟郊詩二首

夜讀孟郊詩細字如牛毛寒燈照昏花佳處時一遭孤

五言寫來

芳擢荒穢苦語餘詩騷水清石鑿鑿湍激不受篙初如

食小魚所得不償勞又似煮彭蠡竟日嚼空螯要當鬪

僧清未足當韓豪人生如朝露日夜火消膏何苦將兩

耳聽此寒蟲號不如且置之飲我玉色一作醪

杜子美述古詩秦時任商鞅法令如牛毛古樂府艷歌行水清石自見詩國風白石鑿鑿唐書韓愈一見孟郊為忘形交賈島亦韓門弟子島初為浮屠名無本皆

附愈

傳

我憎孟郊詩復作孟郊語饑腸自鳴喚空壁轉飢鼠詩

三言即作東野詩如昌黎  
樊子師法例意謂東野作  
我困能一但不知身如東野  
心雄視及之才不往一傷軍  
傷後傷初傷處此正  
不肖而却是書苦  
去耳讀此言已不



即係東野詩生情節  
合為一

從肺腑出出輒愁肺腑有如黃河魚出膏以自煮尚愛  
銅斗歌鄙俚頗近古桃弓射鴨罷獨速短蓑一作莎舞不憂  
踏船翻踏浪不踏土吳姬霜雪白赤腳浣白紵嫁與踏  
浪兒不識離別苦歌君江湖曲感我長羈旅

孟東野詩銅斗飲江酒手拍銅斗歌儂是拍浪兒飲則拜浪婆脚踏小船頭獨速  
舞短莎又短蓑不怕雨白鷺相爭飛短楫畫蒲闌作豪橫歸笑伊水健兒浪戰  
求光輝不如竹枝弓射鴨無是非又射鴨復射鴨鴨驚菰蒲頭驚鴛鴦亦零落彩色  
難相求儂是清浪兒每踏清浪遊笑伊鄉貢郎踏土稱風流如何州角翁至死不  
裏頭李白通塘曲浦邊清水明素足別有浣紗吳女郎又越女詞耶谿女如  
雪屐上足如霜東野詩數年伊洛同一旦江湖垂江湖有故莊小女啼皆皆

訪張山人得山中字二首

魚龍隨水落猿鶴喜君還舊隱丘墟外新堂紫翠間野

麋馴杖屨一作履幽桂出榛菅灑掃門前路山公亦愛山公自

身法法工部君性以逸  
居三月澤也  
二月篇年字句都入在  
些却及十分出色亦不美  
亦一偶入宣調



注張故居為大水所壞

新卜此室故居之東

韓退之詩豈念幽桂遺榛莠

王注山公山簡也公自謂

萬木鎖雲龍

公自注山名

天雷與戴公路迷山向背人在瀼西

東薺麥餘春雪櫻桃落晚風入城都不記歸路醉眠中

南史戴顒常憩京口黃鶴山竹林精舍郡邑志潤州有戴公山注詳八卷同柳子玉遊鶴林招隱詩杜子美夔州絕句瀼東瀼西一萬家江南江北春冬花

送孔郎中赴陝郊

孔郎中宗翰已見十一卷荆林馬上見寄詩注此詩疑其自密移陝過徐州與先生會也

驚風擊面黃沙走西出嶺函脫塵垢使君來自古徐州

聲震河潼殷關右十里長亭聞鼓角一川秀色明花柳

北臨飛檻卷黃流南望青山如峴首東風吹開錦繡谷

淶水翻動蒲萄酒訟庭生草數開樽過客如雲牢閉口

五六月是秀句如雪極  
其極則終身正其九信門  
戶

王連打偶林格于香果  
不誤于初夜身自口口  
傑體妙也

收二句方之疏



漢書青傳大風起砂礮擊面賈誼過秦論秦孝公據崤函之固崤謂二般函謂函谷關王注古有南徐北徐南徐潤州北徐彭城時自彭城而往故云古徐潼關在華州華陰縣河水自龍門南流激華山而東故名河潼庾信哀江南賦十里五里長亭短亭樂府解題橫吹曲有鼓角唐樂令諸道行軍給鼓角三萬人以上角十

### 與梁左藏會飲傅國博家

星之澤厚而自有秀茂  
之氣

紅旆二月仿佛五公意  
携壯士二月

將軍破賊自草檄論詩說劍俱第一彭城老守本虛名  
識字劣能欺項籍風流別駕貴公子欲把笙歌暖鋒鏑  
紅旆朝開猛士噪翠帷暮卷佳人出東堂醉臥呼不起  
嘯鳥落花春寂寂試教長笛傍耳根一聲吹裂堦前石

晉樂廣傳天下言風流者王樂為稱首庾亮與郭游畫別駕任居刺史之半橋康  
傳穎川鍾會貴公子也裂石用李暮事已見八卷同柳子玉遊鶴林招隱詩注

### 寒食日答李公擇三絕次韻



從來蘇李得名雙只恐全齊笑陋邦詩似懸河供不辦  
故欺張籍隴頭瀧

王注前漢蘇武李陵能詩謂之蘇李唐蘇味道李嶠俱以文章顯時亦號蘇李又蘇頲李乂對掌文誥明皇謂頲曰前此李嶠蘇味道文擅當時號蘇李今有卿及父何媿前人哉世說郭子玄語議如懸河瀉水注而不竭唐王勃傳張說評楊炯曰文如懸河之不竭韓退之贈張十八詩君乃崑崙渠籍乃隴頭瀧

簿書磬鼓不知春佳句相呼賴故人寒食德公方上冢  
歸來誰主復誰賓

周禮鼓人以磬鼓鼓役事德公注屢見

巡城已困塵埃眯執扑仍遭蟣蝨緣欲脫布衫攜素手

試開病眼點黃連公自注來詩謂僕布衫督役

周禮司空執扑左傳襄十七年宋平公築臺子罕執扑以行築者而撲其不勉者冀嚴安傳介胃生幾



約公擇飲是日大風

先生生長匡廬山山中讀書三十年舊聞飲水師顏淵  
不知治劇乃所便偷兒夜探赤白丸奮髯忽逢朱子元  
半年羣盜誅七百誰信家書藏九千春風無事秋月閑  
紅粧執樂豪且妍紫衫玉帶兩部全琵琶一抹四十絃  
客來畱飲不計錢齊人愛公如子產兒唬臥路呼不還  
我慙山郡空畱連牙兵部吏笑我寒邀公飲酒公無難  
約束官奴買花鈿薰衣理鬢夜不眠曉來顛風塵暗天  
我思其由豈坐慳作詩媿謝公笑謹歸來瑟縮愈不安  
要當啖公八百里豪氣一洗儒生酸



公作李天山房記云李公擇少時讀書於廬山五老峯下白石菴之僧舍公擇既去而山中之人指其居爲李氏山房藏書凡九千餘卷漢尹賞傳薛宣舉賞能治劇又長安中閭里少年羣輩殺吏受賕報仇相與探丸爲彈得赤丸者斫武吏得黑者斫文吏白者主治喪漢朱博字子元遷瑯邪太守奮髯抵几斥罷病吏詳已見前潘若冲郡閣雅談高從晦好彈胡琴天成中王仁裕使荆渚從晦出十妓彈胡琴仁裕有詩曰紅羅齊抱紫檀槽一抹朱絃四十條史記循吏傳子產治鄭死丁壯號哭老人見啼後漢侯霸傳爲臨淮尹政理有能名更始元年遣使徵霸百姓老弱相攜號哭遮使者或當道而臥曰願乞侯君復留暮年杜子美偏仄行曉來急雨春風顛俗諺有怪風雷雨之說韓退之詩瑟縮久不安晉王濟傳王愷以帝舅奢豪有牛名八百里駿常瑩其蹏角濟請以錢十萬與牛對射而賭之一發破的因據胡牀叱左右速探牛心來須臾而至一割便去三

國志陳元龍湖海之士豪氣不除詳見前卷次韻荅邦直詩注

坐上賦戴花得天字

石字賦多隱信好

清明初過酒闌珊折得奇葩晚更妍春色豈關吾輩事

老狂聊作坐中先醉吟不耐欹紗帽起舞從教落酒船

結習漸消雷不住卻須還與散花天

朝衣生如懸點與與  
三面相生似山家



唐白居易傳自號醉吟先生杜子美李尚書聯句數語欵紗帽高文鄭綵牋維摩經維摩詰室有一天女見諸天人說法即以天花散諸菩薩大弟子上花至菩薩即皆墮地至大弟子便著不墮天女曰結習未盡花著身矣結習盡者花不著也

### 夜飲次韻畢推官

簿書叢裏過春風酒聖時時且復中紅燭照庭嘶驤裏黃雞催曉唱玲瓏老來漸減金釵興醉後空驚玉筍工

公自注

月未上時應蚤散免教壑谷問吾公

畢善篆

酒聖用徐邈事詳五卷贈孫莘老七絕詩注漢書音義驤裏神馬也赤豕黑身杜子美詩願隨金驤裏走置錦屠蘇黃雞用白樂天玲瓏歌詳六卷與臨安令宗人同年劇飲詩注唐舒元興玉筍篆志秦丞相斯變蒼頡籀文爲玉筍篆體尚太古左傳襄三十年鄭伯有嗜酒爲窟室而夜飲朝至未已朝者曰公焉在其人曰吾公在壑谷又互見前



施註蘇詩卷之十三



施註蘇詩卷之十四

長洲顧嗣立

漫堂先生宋 曄

閱定

毗陵邵長蘅

刪補

樸園先生張榕端

商丘宋 至

詩三十五首

時守彭城泊戊  
十元豐改元作

續麗人行

并引

李仲謀家有周昉畫背面欠伸內人極精戲作此

詩

張彥遠名畫記周昉字景玄官至宣州長史  
多在渾郭功臣家圖畫又云周昉善畫子女

深宮無人春日長沈香亭北百花香美人睡起薄梳洗  
燕舞鶯啼空斷腸畫工欲畫無窮意背立東風初破睡



若教回首卻嫣然陽城下蔡俱風靡杜陵饑客眼長寒  
蹇驢破帽隨金鞍隔花臨水時一見只許腰肢背後看  
心醉歸來茅屋底方信人間有西子君不見孟光舉案  
與眉齊何曾背面傷春唬

楊妃外傳開元禁中重木芍藥移植於沈香亭前會花方繁開上與妃子賞花命  
李白進清平調三章亦云解釋春風無限恨沈香亭北倚欄干宋玉登徒子好色  
賦嫣然一笑惑陽城迷下蔡漢韓信傳用廣武君策發使燕燕從風而靡杜子美麗  
人行背後何所見珠壓腰被穩稱身列子黃帝籥有神坐曰李咸列子見之而心醉

聞李公擇飲傅國博家大醉二首

兒童拍手鬧黃昏應笑山公醉習園縱使先生能一石

主人未肯獨畱髡

晉山簡注屢見李白襄陽歌落日欲沒峴山西倒著接羅花下迷襄陽小兒齊拍  
手闌干拍手唱白銅詞是旁人皆謂笑言事矣殷山翁醉以尼史記滑稽傳淳于髡曰



日飲一斗亦醉一石亦醉云云口暮酒闌合尊促坐男女同席履舄交錯杯盤狼藉堂上燭滅主人留髡而送客羅襦襟解微聞薌澤當此之時髡心最歡能飲一石不肖惺惺騎馬迴玉山知爲玉人頽紫雲有語君知否莫喚分司御史來

劉禹錫揚州春夜詩寂寂獨看金燼落紛紛只見玉山頽自羞不是高陽侶一夜惺惺騎馬迴世說山公稱嵇叔夜之爲人也巖巖若孤松之獨秀其醉也忽若玉山之將頽唐關記杜牧爲御史久之爲人務洛陽時李聽罷鎮間居聲妓豪華爲當時第一嘗宴客女妓百餘皆殊色牧注視良久問曰聞有紫雲者孰是宜以見惠李俯而笑諸妓皆回首破顏牧自飲三爵朗吟而起曰華堂今日綺筵開誰喚分司御史來忽發狂言聲滿座兩行紅粉一時迴意氣閑逸傍若無人

### 起伏龍行

并引

徐州城東二十里有石潭父老云與泗水通增損清濁相應不差時有河魚出焉元豐元年春旱或云置虎頭潭中可以致雷雨用其說作起伏龍行



大作欲歎此有利與  
和子清臣詩江相此而  
二意別

何年白竹千鈞弩射殺南山雪毛虎至今顱骨帶霜牙  
尚作四海毛蟲祖東方久旱千里赤三月行人口生土  
碧潭近在古城東神物所蟠誰敢侮上欹蒼石擁巖竇  
下應清河通水府眼光作電走金蛇鼻息為雲擢煙縷  
當年負圖傳帝命左右義軒詔神禹爾來懷寶但貪眠  
滿腹雷霆瘖不吐赤龍白虎戰明日公自注是月丙辰明日庚寅倒卷黃  
河作飛雨嗟我豈樂鬪兩雄有事徑須煩一怒

後漢南蠻傳板楯者秦昭襄王時有一白虎常從羣虎數遊秦蜀巴漢之境昭王  
重募國中能殺虎者時有巴郡閬中人能作白竹之弩登樓射殺白虎昭王嘉  
之乃刻石盟要巴人安之三國志魏杜襲傳千鈞之弩不為鼯鼠發機尚書故實  
南中久旱以繩繫虎頭骨投有龍處入水即數人牽制不定俄頃雲起潭雨亦隨  
下龍畏虎雖枯骨能動之如此劉禹錫嘉話亦云毛蟲字出漢書五行志帝王世  
已龍馬出圖於河大義觀之以書八卦詩帝言余夢兩龍延白圖以授余於河之



都又洛出龜書以賜神禹洪範是也張華博物志龍抱寶而眠謂之癡龍史記孟嘗君傳秦齊世不兩雄洞庭靈烟傳堯遺洪水九年乃此子一怒耳

聞公擇過雲龍張山人輒往從之公擇有詩戲

用其韻

我生固多憂肉食常苦墨軒然就一笑猶得好飲力聞  
君過雲龍對酒兩靜默急攜清歌女出郭及未昃一歡  
難力致邂逅有勝特喧蜂集晚花亂雀啅叢棘山人樂  
此耳寂寞誰侍側何當求好人聊使治要襪使君自孤  
憤此理誰相值不如學養生一氣服千息

左傳哀十三年晉定公吳夫差會于黃池吳晉爭先司馬寅曰請姑視之反曰肉食者無墨今吳王有墨國勝乎太子死乎杜預注墨氣色下也後漢劉子訓傳軒渠笑悅欲往就之詩國風摻摻女手可以縫裳要之襪之好人服之漢匈奴傳冒頓為書遺高后曰陛下獨立孤憤獨居兩主不樂無以自虞注憤仆也猶言不能



自立也虞與媛同晉許邁  
傳常服氣一氣千餘息

送李公擇

此詩由送李公擇切

此詩在江与至交子由互  
映用筆相切

嗟余寡兄弟四海一子由故人雖云多出處不我謀弓  
車無停招逝去勢莫留僅存今幾人各在天一隅有如  
長庚月到曉爛不收宜我與夫子相好手足侔比年兩  
見之賓主更獻酬樂哉十日飲衍衍和不流論事到深  
夜僵仆鈴與騶頗嘗見使君有客如此不欲別不忍言  
慘慘集百憂念我野夫兄知名三十秋已得其為人不  
待風馬牛他年林下見傾蓋如白頭

詩國風終鮮兄弟惟予二人左傳逸詩翹翹車乘招我以弓史記范雎傳秦昭王  
遺平原君書曰君幸過寡人願與君為十日飲王注鈴守鈴閣者漢東方朔傳給



騶侏儒師古曰騶奉廐之御也晉謝安傳桓溫請安爲司馬既到溫喜問左右曰頗嘗見我有如此客不野夫公擇之兄名華

### 送荀芍藥與公擇二首

久客厭鹵饌

公自注蜀人謂東北人鹵子

枵然思南京故人知我意千里寄

竹萌駢頭玉嬰兒一一脫錦襦庖人應未識旅人眼先

明我家拙廚餽羶肉毛蕪菁送與江南客燒煮配香粳

韓退之初南食詩自宜味南京爾雅竹萌也吳筠竹賦一節明其亂嗣三節獲乎嬰兒儲光義詩稚子脫錦襦駢頭玉香滑張平子南都賦若其廚餽則有華薌重和溢

阜香粳

今日忽不樂折盡園中花園中亦何有芍藥裊殘葩久旱復遭雨紛披亂泥沙不折亦安用折去還可嗟棄擲亮未能送與謫仙家還將一枝春插向兩髻丫



陸凱寄梅詩江南無所有聊贈一枝春按公詩特借用其字故爾不拘歐陽公詩小婢立我前赤腳兩髻丫

和孫莘老次韻

去國光陰春雪消還家蹤迹野雲飄功名正自妨行樂  
迎送纔堪博早朝雖去友朋親吏卒卻辭讒謗得風謠  
今年我亦江南去不問繁雄與寂寥

晉向秀傳秀注莊子嵇康曰此書詎復須注正自妨人作樂耳白樂天詩昏  
昏一覺睡不博蚤朝人後漢李卻傳和帝分遣使者各至州縣觀採風謠

游張山人園

壁間一軸煙蘿子盆裏千枝錦被堆慣與先生爲酒伴  
不嫌刺史亦顏開纖纖入麥黃花亂颯颯催詩白雨來  
聞道君家好井水歸軒乞得滿餅回



唐楊巨源看花詩一林堆錦映千燈王注煙蘿子今所畫修養者多有之錦被堆  
一名粉團兒花如月桂而小粉紅或微黃色枝柯纖長高丈餘往往作架承之司  
空圖郊園詩連樹連村暗黃花入麥稀杜子美詩片雲頭  
上黑應是雨催詩白樂天詩赤日開白雨陰晴同一川

### 杜介熙熙堂

崎嶇世路最先回窈窕華堂手自開咄咄何曾書怪事  
熙熙長覺似春臺白砂碧玉味方永黃紙紅旗心已灰  
遙想閉門投轄飲鷗絃鐵撥響如雷

王文考靈光殿賦旋室嬋娟以窈窕咄咄用殷浩事已見十一卷和趙郎中詩注  
老子衆人熙熙如享大年如登春臺神仙傳殷七七每醉歌曰琴彈碧玉調鑪養  
白朱砂白樂天詩紅旗破賊非吾事黃一除書無我名投轄陳遵事詳八卷和蘇  
州太守詩注鷗絃鐵撥聞元賀懷智事已見八卷古纏頭曲注唐文宗時內庫有  
二琵琶號大忽雷小忽雷五代史補馮道  
之子能彈琵琶以皮爲絃世宗號繞殿雷

### 次韻答劉涇



吟詩莫作秋蟲聲。天公怪汝鉤物情。使汝未老華髮生。  
芝蘭得雨蔚青青。何用自燔以出馨。細書千紙雜真行。  
新音百變口如鶯。異義遙起弟子爭。舌翻濤瀾卷齊城。  
萬卷堆胸兀相撐。以病爲樂子未驚。我有至味非煎烹。  
是中之樂吁難名。綠槐如山闇廣庭。飛蟲繞耳細而清。  
敗席展轉臥見經。一作驚亦自不一作不自嫌翠織成。意行信足無  
溝坑。不識五郎呼作卿。吏民哀我老不明。相戒無復煩  
鞭刑。時臨泗水照星星。微風不起鏡面平。安得一舟如  
葉輕。臥聞郵籤報水程。尊羹羊酪不須評。一飽且救饑

漢兩龔傳薰以香自燒膏以明自照法書苑晉世以來工書者多以行書著名  
真者謂之真行帶草者謂之行草劉伯倫酒德頌陳說禮法是非遽起漢蒯通傳  
酈生掉三寸舌下齊七十餘城詩國風輶轉伏枕杜子美張舍人遺禡段詩客從  
西北來遺我翠織成唐宋璟傳每宴朝堂張易之昌宗列卿三品璟階六品居下  
座易之諂事璟虛位揖曰公第一人何下座璟曰才劣品卑卿何謂第一是時朝  
廷以易之內寵不名其官呼易之五郎昌宗六郎鄭善果謂璟曰公奈何謂五郎  
為卿璟曰以官正當為卿君非其家奴何郎之云後漢馬援傳願哀老子使得邀  
遊唐徐有功傳為蒲州司法參軍為政仁不忍杖罰民服其恩更相約曰犯徐參  
軍杖者必斥之謝靈運南亭詩戚戚感物歎星星白髮垂杜子美青草湖詩宿漿  
衣農事鄧籤報水程簿羹羊酪見七卷金門寺中詩注陶淵明詩傾身營一飽韓  
退之詩饑腸  
徹死無由鳴

### 攜妓樂游張山人園

作舍得自出

大杏金黃小麥熟墮巢乳鵲拳新竹故將俗物惱幽人  
細馬紅粧滿山谷提壺勸酒意雖重杜鵑催歸聲更速  
酒闌人散卻關門寂歷斜陽挂疎木

短章而真師不徒

信句易對言句此  
宜調而勝也



晉王戎傳俗物已復來敗人意李白對酒  
歌二八佳人細馬馳青黛畫眉紅錦靴

### 種德亭

并引

處士王復家於錢塘爲人多技能而醫尤精期於  
活人而已不志於利築室候潮門外治園圃作亭  
榭以與賢士大夫游惟恐不及然終無所求人徒  
知其接花蓺果之勤而不知其所種者德也乃以  
名其亭而作詩以遺之

小圃旁城郭閉門芝朮香名隨市人隱德與佳木長元  
化善養性倉公多禁方所活不可數相逢旋相忘但喜  
賓客來置酒花滿堂我欲東南去再觀雙檜蒼山茶想

出屋湖橘應過牆木老德亦熟吾言豈荒唐

唐詩水淨苔莎露香芝木苗後漢華佗傳李元化曉養性之術年且百歲而有壯容史記扁鵲倉公傳太倉公姓淳于氏各意少而喜醫方術師元里公乘陽慶悉以禁方予之史記貨殖傳千歲樹之以木百歲來之以德莊子天下篇繆悠之說荒唐之言

文與可有詩見寄云待將一段鵝谿絹掃取寒

梢萬尺長次韻答之

爲愛鵝谿白蠟光掃殘雞距紫毫鏐世閒那有千尋竹

月落庭空影許長

茶錄蜀東川鵝谿出畫絹作羅底佳白樂天雞距筆賦足之健者雞足毛之勁者兔毛就足之中奮發者利距在毛之內秀出者長毫合爲平筆正得其要

聞辯才法師復歸上天竺以詩戲問

道人出山去山色如死灰白雲不解笑青松有餘哀忽



聞道人歸鳥語山容開神光出寶髻法雨洗浮埃想見  
南北山花發前後臺寄聲問道入借禪以爲訴何所聞  
而去何所見而回道入笑不答此意安在哉昔年本不  
住今者亦無來此語竟非是且食白楊梅

盧仝月蝕詩青山死灰色莊子盜跖簞孔子下車色若死灰楞嚴經世尊從肉髻  
中踊百寶光光中涌出千葉寶蓮白樂天寄上天竺詩前臺花發後臺見上界鐘  
聲下界聞晉嵇康傳與向秀鍛於大樹下鍾會往造焉康不爲禮而鍛不輟久之  
會去康謂曰何所聞而來何所見而去會曰聞所聞而來見所見而去金剛經應  
生無所住心若心有住則爲非住又阿那含名爲不來而實無不來北戶雜錄鄭  
虔云越州客山有白楊梅杭州圖經楊梅塢在南山近瑞峰楊梅尤盛有紅白二  
種今杭人呼白  
者爲聖僧梅

### 和子由送將官梁左藏仲通

雨足誰言春麥短城堅不怕秋濤卷日長惟有睡相宜

半脫紗巾落紈扇芳草不鋤當戶長珍禽獨下無人見

覺來身世都是夢坐久枕痕猶著面城西忽報故人來

急掃風軒炊麥飯自注徐州所出伏波論兵初矍鑠中散談仙更

清遠南都從事亦學道不卹腸空誇腦滿問羊他日到

### 金華應許相將游閬苑

蜀志周羣傳先主將誅張裕諸葛亮表請其罪答曰芳蘭生門不得不鋤謝承後漢書李固爲太守食麥飯後漢馬援傳劉尚擊武陵五谿蠻軍沒援請行帝怒其老援據鞍顧盼以示可用帝笑曰矍鑠哉是翁也援爲伏波將軍晉嵇康傳嵇康仕魏爲中散大夫常修養性服食之事以爲神仙稟之自然非學所得至於導養得理則安期彭祖之壽可及乃著養生論王注南都從事謂子由也時子由從張文定僉書南京判官嘗云學道三十年今始竊聞道也道家口訣欲得不死腸中無滓欲得不老還精補腦神仙傳黃初平家使牧羊有道士將至金華山石室中其兄尋索見之問羊何在初平叱白石俱起成羊兄曰道可學否初平曰唯好卽得兄乃棄家服茯苓五萬日遂得仙集仙錄西王母居閬風之苑東方朔十洲記崑崙山三角其一正北千辰星之輝名閬風之



次韻秦觀秀才見贈秦與孫莘老李公擇甚熟

將入京應舉

秦觀高郵人初字太虛後改字少游

夜光明月非所投逢年遇合百無憂將軍百戰竟不侯  
伯郎一斗得涼州翹關負重非無力十年不入紛華域  
故人坐上見君文謂是古人吁莫測新詩說盡萬物情  
硬黃小字臨黃庭故人已去君未到空吟河畔草青青  
誰謂他鄉各異縣天遣君來破吾願一聞君語識君心  
短李髯孫眼中見江湖放浪久全真忽然一鳴驚倒人  
縱橫所值一作往無不可知君不怕新書新千金敝帚那堪  
換我亦淹留豈長算山中既未決同歸我聊爾耳君其

漫

漢鄒陽傳明月之珠夜光之璧以闇投人於道眾莫不按劍相盼史記佞幸傳力田不如逢年善仕不如遇合漢李廣傳望氣王朔語曰自漢擊匈奴廣未嘗不在其中終無尺寸功以得封邑豈吾相不侯耶三輔決錄孟佗字伯郎一斗涼州注見一卷和劉長安題薛周逸老字唐選舉志武后長安二年始置武舉有馬槍翹關負重身材之選唐書員半千傳武后謂半千曰久聞爾名謂為古人乃在朝邪王注公言嘗於祕書閣觀王羲之墨蹟皆唐人硬黃紙臨本惟鵝羣一帖似獻之真筆古樂府飲馬長城窟行書月河畔草縣縣思遠道又他鄉各異縣展轉不相見世說郗超為桓溫參軍王均為主簿府中語曰髯參軍短主簿喬按短李謂公擇髯孫謂華老借用李紳係會稽事耳舊注非稽叔夜詩志在守僕養素全真史記楚世家莊王曰三年不韋黃將冲天三年不鳴鳴將驚人唐王勃傳李嶠宋之問之文如良金美玉無施不可三國魏武帝紀自作兵書十餘萬言諸將征伐皆以新書從事王注新書言王介甫新學經義之說也魏文帝典論夫人難於自見而文非一體鮮能備善是以各以所長相輕所短里語曰家有敝帚享之千金不自見之患也晉阮咸傳未能免俗聊復爾耳唐元結傳自稱浪士及有官人以為浪者亦漫為官乎又曰公漫久矣可以漫為叟

僕曩於長安陳漢卿家見吳道子畫佛碎爛可



惜其後十餘年復見之於鮮于子駿家則已裝

背完好子駿以見遺作詩謝之米元章畫史云蘇子瞻家收吳道子畫佛及侍

者誌公十餘人破碎甚而當面一手精彩動人點不加墨口淺深暈成故最如活元章所記即此畫也

筆老重

貴人金多身復閑爭買書畫不計錢已將鐵石充逸少

公自注法帖大王書中有殷鐵石字鐵石梁武帝時人更補朱繇為道玄公自注世所收吳道子畫多朱繇筆也煙薰

屋漏裝玉軸鹿皮蒼璧知誰賢吳生畫佛本神授一作夢

中化作飛空仙覺來落筆不經意神妙獨到秋毫顛昔

我長安見此畫歎息至寶空漚然素絲斷續不忍看已

作蝴蝶飛聯翩君能收拾為補綴體質散落嗟神全誌

公髣髴見刀尺修羅天女猶雄妍如觀老杜飛鳥句脫

寫此神化境

用徽墨人必生毫髮如以  
此墨仍以此紙似紙何貴  
生正意夫不以就西成  
空同作後

字欲補知無緣問君乞得良有意欲將俗眼為洗前貴  
人一見定羞忤錦囊千紙何足捐不須更用博麻縷付  
與一炬隨飛煙

尚書故實千字文梁周興嗣編次而有王右軍書者乃梁武教諸王書令殷鐵石  
於大王書中櫛一千字不重者每字片紙雜碎無序武帝召興嗣韻之書畫補遺  
朱繇長安人工畫佛道來元章畫史真絹色淡雖百破而色明白精神彩色如新  
惟佛像多經香煙薰損本色書苑顏魯公與懷素同學草書於郭兵曹或問張長  
史見公孫大娘舞劍器始得低昂回翔之狀兵曹亦有之乎懷素以古釵腳對魯  
公曰何如屋漏痕漢書食貨志武帝造白鹿皮幣令王侯朝覲必以薦璧顏異曰  
今王侯朝賀以蒼璧直數千而其皮薦反四十萬本末不相稱小說一道人為戲  
術破繒綃作胡蝶而飛少選復如故或藏其一蝶絹亦虧如蝶之大傳燈錄寶誌  
禪師金城人姓朱氏常執錫杖頭鏤刀尺銅鑑歐陽詩話陳從易舍人偶得杜  
詩舊本至送蔡都尉詩云身輕一鳥其下脫一字數客各用一字補之或云疾或  
云落或云下後得完本乃過字陳數曰一字  
莫能到也王注博麻縷似祖語麻三斤之類

雨中過舒教授

舒名煥字堯夫公守  
徐堯夫時為教授



遠漢有王市之意

初言云詩境淡靜耐人  
玩味

疎疎簾外竹。瀏瀏竹間雨。牕扉靜無塵。几硯寒生霧。美  
人樂幽獨。有得緣無慕。坐依蒲褐禪。起聽風甌語。客來  
淡無有。灑掃涼冠屨。濃茗洗積昏。妙香淨無慮。歸來北  
堂間。一一微螢度。此生憂患中。一餉安閑處。飛鳶悔前  
笑。黃犬悲晚悟。自非陶靖節。誰識此閒趣。

杜子美詩心清聞妙香陶淵明詩此閒有  
真趣欲辨已忘言飛鳶黃犬注並見前

次韻舒教授寄李公擇

草書妙絕吾所兄。真書小低猶抗行。論文作詩俱不敵。

看君談笑收降旌。去年逾月方出畫。

公自注予去年  
留齊月餘

爲君劇飲

幾濡首。今年過我雖少留。寂寞陶潛方止酒。

公自注此行公  
羣病酒又不飲

別時流涕攬君鬢懸知此懽墮空虛松下縱橫餘履迹  
門前轆轤想君車怪君一身都是德近之清潤淪肌骨  
細思還有可恨時不許藍橋見傾國

公自注公擇有婢名雲英屢欲出不果

晉王羲之傳每自稱我書比鍾繇當抗行比張芝草猶雁行也華嶠譜序華歆能劇飲石餘不亂周易未濟有孚于飲酒無咎濡其首象曰飲酒濡首亦不知節也陶潛止酒詩始覺止爲善今朝真止矣裴桐傳奇長慶開裴航傭舟襄漢同舟有樊夫人者國色也航以詩及珍果獻夫人以詩答曰一飲瓊漿百感生玄霜杵盡見雲英藍橋便是神仙窟何必崎嶇上玉京後航歸輦下經藍橋驛因渴乞漿于茅舍果遇雲英遂娶之後同得仙去

### 又送鄭戶曹

鄭戶曹名僅字彥能彭城人是時爲冠氏令

水繞彭城樓山圍戲馬臺古來豪傑地千歲有餘哀隆  
準飛上天重瞳亦成灰白門下呂布大星隕臨淮尚想  
劉德輿置酒此徘徊爾來苦寂寞廢園多蒼苔河從百



此折往酒樓有惜思  
君中自猶坐人立此有他  
年移巫弟思

步響山到九里回山水自相激夜聲轉風雷蕩蕩清河  
壩黃樓我所開秋月墮城角春風搖酒杯遲去君為坐  
客新詩出瓊瑰樓成君已去人事固多乖他年君倦游  
白首賦歸來登樓一長嘯使君安在哉

漢高祖隆準而龍顏史記項羽贊舜目蓋重瞳子項羽亦重瞳子後漢呂布傳百  
號徐州牧曹操攻之布登白門樓攻圍之急乃下酈道元水經注沛南門謂之白  
門唐李光弼傳封臨淮郡王復歸徐州遇疾薨杜子美武衛將軍挽詞嚴警營寨  
夜前軍落大星南史宋高祖諱裕字德興小字寄奴姓劉氏初封宋公居彭城嘗  
九日讌戲馬臺韋應物詩水性自云靜石中本無聲如何兩相激雷轉空山鳴秦  
太虛黃樓賦序太守蘇公守彭城之明年既治河決之變民以更生又因修繕其  
城作黃樓於東門之上以為水受制於土而土之色黃故取名焉晉劉琨傳  
在晉陽為胡騎所圍城中窘瑤乃乘月登樓清嘯賊聞之悽然棄圍而走

### 次韻黃魯直見贈古風二首

黃魯直名庭堅分寧人與  
張文潛秦少游晁無咎俱

出蘇門天下號元祐四學士而魯直之名幾配東坡故稱蘇黃云

附魯直古詩一曰江梅有佳實託根桃李易桃李不言而花自開

恩光孤芳忌皎潔冰雪空自香古來和鼎實此物升廟廊歲月坐  
成晚煙雨青已黃得升桃李盤以遠初見嘗終然不可口擲棄官  
道傍但使本根在棄捐果何傷二口青松出洞壑十里聞風聲上  
有百尺絲下有千歲苓小草有遠志相依在平生醫和不並世深  
根且固蒂人言可醫國何用大  
早計小大才則殊氣味固相似

嘉穀臥風雨稂莠登我場陳前漫方丈玉食慘無光大  
哉天宇閒美惡更臭香君看五六月飛蚊殷回廊茲時  
不少假俛仰霜葉黃期君蟠桃枝千歲終一嘗顧我如  
苦李全生依路旁紛紛不足愠悄悄徒自傷

杜子美詩天涯歌滯雨稂莠臥不翻又病橘詩此物歲不稔玉食失光輝莊子知  
北遊神奇復化爲臭腐臭腐復化爲神奇詩國風殷其雷山海經東海有山名度  
索土有大桃蟠屈三千里名蟠桃晉王戎傳嘗與羣兒戲道側見李樹多實等輩  
趣之戎獨不往或問故曰樹在道邊而多子必苦李也取之信然詩國風憂心悄悄  
慍于羣小公烏臺詩話北京國子監教授黃庭堅寄書一封并古詩二首與軾  
依韻和答云嘉穀臥風雨至玉食慘無光以譏今之小人勝君子如稂莠之羣



起字句上言懷用字句

穀又云大哉天宇間至悄悄徒自傷意言君子小人進退有時如夏月蚊蚋縱橫至秋自息比黃庭堅於蟠桃進必遲自比苦李以無用全生又取詩云溫手羣小以譏諷當今進用之人皆小人也

空山學仙子妄意笙簫聲千金得奇藥開視皆稀苓不知市中自有安期生今君已度世坐閱霜中蒂摩挲古銅人歲月不可計閱風安在哉要君相指似

李太白鳳笙篇仙人十五愛吹笙學得崑丘彩鳳鳴韓退之進學解警醫師以昌陽引年欲進其稀苓也史記封禪書李少君曰安期生仙者通蓬萊中合則見人不合則隱列仙傳安期生琅邪人賣藥東海邊時人皆言千歲公楚辭遠遊章荻度世以忘歸意恣睢以担橋摩挲銅人後漢簡子訓事詳見十二卷子由將赴南都詩注蘭風注見本卷

次韻答舒教授觀余所藏墨

異時長笑王會稽野鷺臙腥汙刀几暮年卻得度安西

海國詩家長篇次  
此收

仍像刻本佳話否別  
抄於左

自厭家雞題六紙二子風流冠當代顧與兒童爭慍喜  
秦王十八已龍飛嗜好晚將蛇蚓比我生百事不挂眼  
時人繆說云工此世間有癖念誰無傾身障麗九堪鄙  
一生當著幾緡屐定心可爲微物起此墨兄支三十年  
但恐風霜侵髮齒非人磨墨磨人鉅應未罄墨先恥  
逝將振衣歸故國數畝荒園自鋤理作書寄君君莫笑  
但覓來禽與青李一螺點漆便有餘萬竈燒松何處使  
君不見永寧第中擣龍麝列屋閑居清且美倒暈連眉  
秀嶺浮雙鴉畫鬢香雲委時聞五斛賜蛾綠不惜千金  
求獺髓聞君此詩當大笑寒牕冷硯冰生水



廣翼家雜注再見柳子厚集殷賢戲批書後寄劉連州詩注云家有石軍書畢紙  
背度翼題云王會稽六紙二月三十日晉書王羲之終會稽內史度翼嘗爲安西  
將軍荊州刺史唐太宗紀武德元年進封秦王春蚓秋蛇本王羲之傳後制爲唐  
太宗撰詳見十二卷和流孟石上詩注按晉書太宗自著宣武二帝陸機王羲之  
四論於是總題御撰云百樂天七德歌太宗十八舉義兵白旄黃鉞定兩京世說  
祖七少好財阮瞻集好展同是一累而未判其得失人有詣祖見料視財物客至  
屏當未盡餘兩小籠著背後傾身障之意未能平或有詣就見自吹火蠟履因歎  
曰未知一生當著幾緡展神色開暢於是勝負始分蔡君謨墨說徐鉉云嘗得李  
超墨一挺與弟錯共用十年乃盡王注公嘗曰吾有佳墨七十九而求之不已不  
近愚耶石昌言著墨不許人磨或曰子不磨墨墨當磨子昌言墓木拱矣墨故無  
恙詩小雅餅之罄矣維墨之恥淳化法帖入王書四百六十五帖其一云青李來  
禽櫻桃日給藤子皆囊盛爲佳函封多不生足下所疏云此果佳可爲致子當種  
之此種低胡桃皆生也此號青李來禽帖蓋子良與王僧虔書仲將之墨一點如  
漆又陸雲與兄書一日上三臺曹公藏石墨數十萬斤今送一螺溫庭筠詩揭麝  
成塵香不滅法書苑歐陽通矜其書必以松煙爲墨末以眞麝唐承寧里王涯弟  
也或云李駙馬第今士大夫家有墨其上有永寧賜第四字卽是也意或用此韓  
退之送李愿序粉白黛綠者列屋而閒居東齋記事蜀有大慈寺壁畫明皇按樂  
十省圖倒暈省名西京雜記文君省常如遠山李賀美人梳頭歌纖手卻盤老鴉  
色翠滑寶釵簪不得杜牧之閨情詩娟娟卻月眉新鬢學鴉飛南都庾花記隋場  
帝鳳舸殿脚女吳絳仙善畫長蛾眉帝悅之由是爭爲長蛾司宮吏日供螺子黛

此會送別方不呈送二師相  
若咏物如批仆則小極極矣  
言固貴有當也

彼美玉山果，粲爲金槃實。瘴霧脫蠻溪，清樽奉佳客。客行何以贈，一語當加璧。祝君如此果，德膏以自澤。驅攘三彭仇，已我心腹疾。願君如此木，凜凜傲霜雪。斲爲君倚几，滑淨不容削。物微興不淺，此贈毋輕擲。

送胡掾



亂葉和淒雨投空如散絲流年一如此遊子去何之節  
義古所重艱危方自茲他年著清德仍復畏人知

張載雜詩騰雲似湧煙密雨如散絲清畏人知  
晉胡質事詳見五卷和沈立之留別詩注

答仲屯田次韻

秋來不見漢陂岑千里詩盟忽重尋大木百圍生遠籟  
朱絃三歎有遺音清風卷地收殘暑素月流天掃積陰  
欲遣何人賡絕唱滿堦桐葉候蟲吟

杜子美詩岑參兄弟皆好奇攜我遠來游漢陂左傳哀十二年吳子使宰嚭請尋  
盟莊子齊物論大木百圍之竅穴冷風則小和飄風則大和鸞風濟則衆竅爲虛  
地竅則衆竅是已史記樂書清廟之瑟朱絃而疏越一倡而三歎有遺音者矣謝  
希逸月詩白露滋空素月流大宋書謝靈運傳論平子艷發文以情變絕唱高縱  
久無嗣響柳子厚詩碧空殘月曙門掩候蟲吟

密州宋國博以詩見紀在郡雜詠次韻答之

吾觀二宋文字字照縑素淵源皆有考奇嶮或難句後來邈無繼嗣子其殆庶胡爲尚流落用舍真有數當時苟悅可慎勿笑杖杜斲牕誰赴抹袖手良優裕山城辱吾繼缺短煩遮護昔年繆陳詩無人聊瓦注于今賡絕唱外重中已懼何當附家集擊壤追咸獲

二宋宋郊宋祁也國博乃其嗣子漢車仲舒傳贊考其師友淵源有漸北夢瑱言賈休見蜀待詔常重龍傳神曰可謂前無來人後無繼者法華經言辭柔軟悅可衆心唐書李林甫傳林甫典選選人嚴迴判語用杖杜二字林甫不識杖字謂韋陟此云杖杜何也陟俛首不敢言朝野僉戴唐楊滔爲中書舍人時促命草制而吏持門鑰他適無舊本可檢乃斲牕取之時號斲牕舍人韓退之祭柳子厚文巧匠旁觀縮手袖間硃叔夜與山巨源絕交書仲尼不假蓋於子夏護其短也莊子達生篇以瓦注者巧以鈎注者憚以黃金注者殫凡外重者內拙周禮大司樂以樂舞教國子舞大咸大濩鄭氏註大咸堯樂大濩湯樂也



答范淳甫

范淳甫名祖禹成都華陽人公自注來詩有張僕射李臨淮之句

吾州下邑生劉季誰數區區張與李重瞳遺迹已塵埃

惟有黃樓臨泗水

公自注郡有聽事俗謂之霸王聽相傳不可坐僕拆之以蓋黃樓

而今太守老且

寒俠氣不洗儒生酸猶勝白門窮呂布欲將鞍馬事曹

瞞

漢高祖紀姓劉字季沛豐邑中陽里人也唐張建封貞元四年拜徐泗節度使檢校尚書右僕射李光弼封臨淮郡王後歸徐州遇疾薨並見本傳九域志徐州泗水今呼爲清河水經云泗之別名又泗水亭漢高祖嘗爲亭長魏志呂布傳曹操攻之自白門樓下降布請操曰明公所患不過於布今已服矣令布將騎明公將步天下不足定也

次韻答王定國

每得君詩如得書宣心寫妙書不如眼前百種無不有

知君一以詩驅除傳聞都下十日雨青泥沒馬街生魚  
舊雨來人今不來悠然獨酌臥清虛我雖作郡古云樂  
山川信美非吾廬願君不廢重九約念此衰冷勤呵噓  
劉禹錫酬樂天詩兩傳千里意書札不如詩杜子美秋述杜子臥病長安旅次多  
兩生魚青苔及榻常時車馬之客舊雨來今雨不來唐馬周傳舍新豐逆旅主人  
不之顧命酒一斗八升悠然獨酌清虛定  
國堂名王粲登樓賦雖信美而非吾土

芙蓉城

并引

世傳王迴子高與仙人周瑤英游芙蓉城元豐元  
年三月余始識子高問之信然乃作此詩極其情  
而歸之正亦變風止乎禮義之意也

胡微之作王子高芙蓉城傳略王迴字子高虞部員外郎正路之次子初  
遇一女自言周太尉女語王曰我於人間嗜欲未盡緣以冥契當侍中饋



是以奉尋非一朝一夕之分也又王初見周懼不敢寢更深困甚視牕戶掩闌及入解衣聞屏幃間有喘息聲乃適女郎已脫衣而臥天明□□□餘香不散自是朝去夕至凡百餘日又周云卽預朝列王曰朝帝耶不言其詳由此倏去不來者數日忽一夕夢周道服而至謂王曰我居幽僻君能一往否喜而從之但覺其身飄然與周同舉須臾過一嶺及一門珍禽佳木清流怪石殿閣金碧相照遂與王自東箱門入循廊至一殿亭甚雋壯下有三樓相視而聳亦甚雄麗廊間半開周忽入王少畱須臾周與一女郎至周曰三山之事息乎曰雖已息奈情何於是拊掌而去逡巡東廊之門啟有女流道裝而出者百餘人立於庭下俄聞殿上卷簾有美丈夫一人朝服憑几而庭下之女循次而上少頃憑几者起簾復下諸女流亦復不見周遂命王登東廂之樓上有酒具憑欄縱觀山川清秀梁上有碑題曰碧雲其字則真誥八龍雲篆王未及下一女郎復登是樓年可十五客色嬌媚亦周之比周曰此芳卿也與我最相愛芳卿蓋其字耳夢之明日周來王語以夢周笑曰芳卿之意甚勤也王問何地周曰芙蓉城也曰馮几者誰三山之事何謂周皆不對問芳卿何姓曰與我同王感其事作詩遺周云又虞曹公狀其事以奏帝春花秋月悽愴悲泣而去周臨別畱詩云夕事屏幃不暫閑今朝離意尚闌珊臨行惟有相思淚滴在羅衣一半斑按芙蓉城傳施氏注散入句下王注錄之亦不詳衡未見全傳又無他本可校茲從施氏句注中掇拾出之未免句字脫落殘闕多有而先生是詩大概采用其意不可略也乃附著之如此

芙蓉城中花冥冥誰其主者石與丁珠簾玉按翡翠屏  
雲舒霞卷千傳停中有一人長眉青炯如微雲澹疎星  
往來三世空鍊形竟坐誤讀黃庭經天門夜開飛爽靈  
無復白日乘雲輶俗緣千劫磨不盡翠被冷落淒餘馨  
因過緱山朝帝廷夜聞笙簫弭節聽飄然而來誰使令  
皎如明月入牕櫺忽然而去不可執寒衾虛幌風泠泠  
仙宮洞房本不局夢中同躡鳳皇翎徑度萬里如奔霆  
玉樓浮空聳亭亭天書雲篆誰所銘遶樓飛步高矜屏  
仙風鏘然韻流鈴蘧蘧形開如醉醒芳卿寄謝空丁寧  
一朝覆水不返甁羅巾別淚空熒熒春風花開秋葉零



序所謂松女而寫于  
正若此後係生信可  
禮矣尤物于莊論而腐  
託以詩人筆

世閒羅綺紛臙腥。此身流浪隨滄溟。偶然相值兩淨萍。  
願君收視觀三庭。勿與嘉穀生蝗螟。從渠一念三千齡。  
下作人閒尹與邢。

杜子美詩樹攪離思花冥冥歐陽公詩詒石曼卿卒後其故人有見之者言我今  
為仙也所主芙蓉城張師正括異志慶曆中有朝士冒晨起居通衢見美婦三  
十餘人竝馬而行若前導者俄見丁觀文度按轡繼之而去有一人最後行朝士  
問曰觀文將游何處曰非也諸女御迎芙蓉館主時丁已在告頃之開卒襄陽記  
龍巢山鉢帽峰尹喜石室內有玉案仙經入卷在案上三輔黃圖未央宮漸臺西  
有兩桂宮中有光明殿皆金玉珠璣為簾箔韓退之華山女詩洗粉拭面著冠帔  
白咽紅頰長眉青孟浩然詩微雲澹河漢疎雨滴梧桐西陽雜俎有人掘地遇石  
函發之見一人方偃仰容色如生須臾振髮而起即失所在方士云此太陰鍊形  
人也吳筠步虛詞稟化凝正氣鍊形為真仙集仙錄謝自然日誦黃庭經十遍誦  
時有童子侍立每十遍即將向上界去東華夫人曰誦經先讀外篇大都精思誦  
讀者獲福麤行者獲罪盧仝詩天門九重高崔嵬夜半祭醮夜半開太微靈書人  
有三魂一曰爽靈二曰台光三曰幽精南史鄧先生傳白日神仙魏夫人忽來臨  
降曰君有仙分所以故來表硯封陟傳雲輶既去牕戶遺芳劉向列仙傳王子喬  
周靈王太子也好吹笙道于浮丘公接上嵩山後三十餘年來山中告桓良曰告

我家七月七日待我於緱氏山頭果乘白鶴駐山頭舉手謝時人而去是詞抑志  
而弭節兮注按節徐行也江淹擬悼婦詩明月入綺牕彷彿想蕙質王注自天門  
夜開至風冷冷以言周初至時事宋玉神女賦其少進也皎如明月舒其光杜子  
美薛判官詩自云帝季女雙雨鳳皇翎東方朔十洲記崑崙山上有玉樓十二唐  
韻伶傳通作玲瓏度人經柳火萬里流鈴八街夾路步虛詞豁落制六天流鈴威  
百魔莊子齊物論俄然覺則蘊蘊然周也注已見又其寐也神交其覺也形開後  
漢何進傳覆水不收悔將何及李太白妾薄命行雨露不上天水覆難重收元微  
之鶯鶯傳熒熒然猶瑩於茵席白樂天長恨歌春風桃李花開夜秋雨梧桐葉落  
時黃庭內景三庭佳穀生蝗螟王注此所謂歸之正也三庭道家事佳穀生蝗螟  
言色慾之賊身如蝗螟之賊佳穀也楊妃外傳由此一念當復墮下界神仙傳馬  
明先生隨神女還俗見安期生語神女曰昔與女郎游於安息西海之際憶此已  
三千年矣史記外戚世家漢武帝尹夫人邢夫人同時並幸或云尹喜邢和璞王  
注正是夫人耳謂  
彼自墮落勿效尤也

和鮮于子駿鄆州新堂月夜二首

公自注前次  
韻後不次

去歲游新堂春風雪消後池中半篙水池上千尺柳佳  
人如桃李胡蝶入衫袖山川今何許疆野一作界已分宿歲



月不可思駛若船放溜繁華真一夢寂寞兩榮朽惟有  
當時月依然照杯酒應憐船上人坐穩不知漏

曹子建詩南國有

佳又容華若桃李

起句宜換深韻

明月入華池反照池上堂堂中隱几人心與水月涼風  
螢已無迹露草時有光起觀河漢流步屨響長廊名都  
信繁會千指調絲簧先生病不飲童子爲燒香獨作五  
字詩清絕如韋郎詩成月漸側皎皎兩相望

蘇州圖經響屨廊以便梓板藉其地西子行則有聲因名韋郎韋蘇州應物也白  
樂天稱其五言尤高閑雅淡自成一家已見十二卷詩注杜子美詩浩歌淥水曲  
清絕聽者愁詩

國風月出皎兮

送將官梁左藏赴莫州

王注莫州文安郡理鄭縣唐開元中以  
鄭子鎮鄭父爲莫州公系贊之易家也

燕南垂趙北際其閒不合大如礪至今父老哀公孫烝  
土爲城鐵作門城中積穀三百萬猛士如雲驕不戰一  
旦鼓角鳴地中帳下美人空掩面豈如千騎平時來笑  
譚誓歎生風雷萬中羽扇紅塵靜投壺雅歌清燕開東  
方健兒號虎樣泣涕懷思廉恥將彭城老守亦淒然不  
見君家雪兒唱

後漢公孫瓚傳瓚禽劉虞盡有幽州之地前此有童謠曰燕南垂趙北際中央不  
合大如礪唯有此中可避世瓚以爲易地當之遂徙鎮焉盛修營壘樓觀慮有非  
常乃居高京以鐵爲門斥去左右男人專侍姬妾其文簿書記皆汲而上之令婦  
人習爲大聲以傳宣教令謀臣猛將稍有乖散自此之後希復攻戰或問其故瓚  
曰今兵革方始觀此非我所決不如休兵力耕積穀三百萬斛足以待天下之變  
建安三年袁紹復大攻瓚瓚遣子續書曰袁氏之攻狀如兎神梯衝舞吾樓上鼓  
角鳴於地中及戰敗乃悉縊其姊妹妻子然後引火自焚晉載記赫連勃勃起都  
城烝土築之雖入一寸卽殺作者而并築之古樂府羅敷行東方千餘騎夫婿居



上頭語林諸葛武侯白葛巾持羽扇指麾三軍後漢祭遵傳取士必用儒術對酒  
設樂必投壺雅歌魏志呂布傳謂曹性曰卿健兒也杜子美袁王孫詩朔方健兒  
好身手詩大雅進厥虎臣闕如虢虎杜子美遣興詩安得廉恥將三軍同晏眠王  
涯東方健兒則梁左藏所替罷處故懷思之也唐李密有寵姬名雪兒每賓客有  
新製必令  
雪兒歌之

施註蘇詩卷之十四

施註蘇詩卷之十五

漫堂先生宋 肇

長洲顧嗣立

樸園先生張榕端

閱定 毗陵邵長蘅 刪補

商丘宋 至

詩四十二首

時守彭城作

次韻子由送趙屺歸觀錢塘遂赴永嘉

趙屺字景仁清獻公

子由蔭登第

通判溫州

歸舟轉河曲稍見楚山蒼  
候吏來迎客吳音已帶鄉  
言從謝康樂先獻魯靈光  
已擊三千里何須四十強  
風流半刺史清絕校書郎  
到郡詩成集尋谿水濺裳  
芒鞋隨



採藥蠶紙記流觴海靜蛟鼉出山空草木長宦游無遠  
近民事要更嘗願子傳家法他年請尙方

南史謝靈運襲封康樂公爲永嘉太守郡有名山水肆意遊遨謝承後漢書王延壽有雋才父逸欲作魯靈光殿賦令延壽往錄其狀延壽因韻之以簡其父父曰吾無以加也時蔡邕亦有此作十年不成見延壽賦遂隱而不出莊子逍遙游鵬之徙於南冥也水擊三千里禮記四十曰強而仕舊唐書蕭儆傳昔庾亮與郭旂書別駕舊與刺史別乘任居刺史之半安可非其人也唐百官志校書郎正九品主掌讐校典籍刊正文章南史王筠每官成一集文房四譜右軍蘭亭帖用蠶紙蠶紙鼠須筆書又蘭亭序清流激湍映帶左右引以爲流觴曲水列坐其次漢朱雲傳願賜尙方斬馬劍斷佞臣一人頭詳見十二卷次韻答邦直子由闕詩注按公作清獻神道碑云爲殿中侍御史彈劾不避權倖京師號鐵面御史

中秋月三首

殷勤去年月澹灩古城東憔悴去年人臥病破牕中  
徊巧相覓窈窕穿房櫳月豈知我病但見歌樓空撫枕

向子厚云此詩乃不著古人而直出吾人

三歎息扶杖起相從天風不相哀吹我落瓊宮白露入  
肺腑夜吟如秋蟲坐令太白豪化為東野窮餘年知幾  
何佳月豈屢逢寒魚亦不睡竟夕相噉宜檢切

李白月下獨酌詩我歌月徘徊我舞影凌亂韓退之記夢詩澄樓傑閣磊嵬高天  
風飄飄吹我過張平子思立賦叫帝閭使閭屏今觀天皇之瓊宮韓退之秋懷詩

蟲弓寒夜永又薦士詩有窮者孟郊受材實難歸郊字東野說文發鰓魚口上  
出貌左太冲吳都賦沂泗順流驗鰓沈浮何譌夢湯賦鰓鰓發鰓鰓相响以四

六年逢此月五年照離別公自注中秋有月凡六年矣惟去年與子由會於此歌君別離

曲滿坐為淒咽留都信繁麗此會豈易擲鎔銀百頃湖

挂鏡千尋闕三更歌吹罷人影亂清樾歸來北堂下寒

光翻露葉喚酒與婦飲念我向兒說豈知衰病後空盞

對梨栗但見古河東莢麥如鋪雪欲和去年曲復恐心

只餘銀子同作物知保  
皆化以神思錢傳後  
相融絕妙更說

仍綴列子田首尾一機



斷絕

雷都子由時之官南京南京有雷守司故云雷都白樂天詩冰消湖水銀為面風卷沙汀玉作堆韻注極水陰也韓退之詩妻孥悉我注帳望祭中不訂栗與黎白樂天詩發麥鋪花白又村夜詩月明收麥花如雪鮑明遠東門行涕零心斷絕將去復還訣

舒子在汶上閉門相對清公自注錄換試舉人鄭州鄭子向河朔公自注鄭僅赴

北京孤舟連夜行頓子雖咫尺如在牢局公自注頓起來徐試舉人

趙子寄書來水調有餘聲公自注今日得趙果卿書猶記余在東武中秋所作水調歌頭悠哉四

子心共此千里明明月不解老良辰難合并回頭坐上

人聚散如流萍嘗聞此宵月萬里同陰晴公自注故人史生為余言嘗見海賈

云中秋有月則是歲珠變而圓賈人常以此候之雖相去萬里他日會合相問則陰晴無不同者天公自著意此會那

可輕明年各相望俯仰今古情

神一汲五好

二句金何筆力千鈞

謝希逸月詞美人遇兮音塵闕隔千里兮共明  
月鮑明遠詩三五二八時千里與君同

中秋見月寄子由

意謂初夜中自有光移可思

初月明星稀法術南院  
老野物象白

感一段時中易士生加一倍法

明月未出羣山高瑞光萬丈生白毫一杯未盡銀闕開  
亂雲脫壞如崩濤誰為天公洗眸子應費明河千斛水  
遂令冷看世間人照我湛然心不起西南大星如彈丸  
角尾奕奕蒼龍蟠今宵注眼看不見更許螢火爭清寒  
何人艤舟臨古汴千燈夜作魚龍變曲折無心逐漁花  
低昂赴節隨歌板公自注是夜賈客舟中放水燈青熒滅沒轉前山  
迴豈復豎明月易低人易散歸來呼酒更重看堂前月  
色愈清好咽咽寒蟬鳴露草卷簾推戶寂無人聽下尹



啞惟楚老

公自注近有孫名楚老

南都從事莫羞貧對月題詩有幾人

明朝人事隨日出

恍然

一夢瑤臺客

韓退之月蝕詩念此日月者為天之眼睛盧仝詩東方蒼龍角插髮馬退之風更記項籍傳為江亭長艤船待注附船簪也陸機文賦舞青赴華以坡決武元壽詩無因駐清景日出事還生盧子逸史許宣暴卒三日寤而作詩云曉入瑤臺露氣清坐中惟見許飛瓊季公垂鸞鸞歌恍然夢作瑤臺客

答王鞏

公自注鞏將見過有詩自謂惡客戲之

汴泗遶吾城城堅如削鐵中有李臨淮號令肝膽裂古  
來彭城守未省怕惡客惡客云是誰祥符相公孫是家  
豪逸生有種千金一擲頗黎盆連車載酒來不飲外酒  
嫌其村子有千餅酒我有萬株菊任子滿頭插團團見  
花不見目醉中插花歸花重壓折軸問客何所須客言

我愛山青山自遶郭不要買山錢此外有黃樓樓下  
河水美哉洋洋乎可以療饑并洗耳彭城之游樂復樂  
客惡何如主人惡

杜詩大城鐵不如唐書李光弼傳寶應元年進封臨淮郡王常鎮徐州郝廷玉傳  
魚朝恩聞其善布陣請觀之廷玉申號令鳴鼓角部伍坐作進退齊一曰此臨淮  
王遺法也王善御軍每校旗不如令者輒斬由是人皆自効而赴蹈馳突心破膽  
裂元次山詩有時逢惡客還家亦少酣注非酒徒卽爲惡客祥符相公鞏大父魏  
國文正公也相真宗於景德祥符間漢陳勝傳侯王將相寧有種乎李太白詩莫  
惜連船沽美酒千金一擲買春芳韓退之詩豁呀鉅壑頗黎盆張平子南都賦騰  
酒車而斟酌注以車載酒也杜子美詩撥弄潭州百斛酒熟沒瀟岸千株菊初收  
九日詩菊花須插滿頭歸漢書景十三王傳叢輕折軸羽翮飛肉史記孔子世家  
臨河而歎曰美哉水洋洋乎  
詩國風泌之洋洋可以樂饑

### 次韻王定國馬上見寄

昨夜霜風入袂衣曉來病骨更支離疎狂似我人誰顧



坎軻憐君志未移但恨不攜桃葉女尚能來趁菊花時

南臺二謝人無繼直恐君詩勝義熙

公自注三謝從宋武帝九日燕戲馬臺

莊子支離疏者願隱於臍肩高於頂白樂天詩猶勝村客病支離楚詞瑤姬帶注不遇也培坎同古今樂錄王獻之二妾桃葉桃根獻之作桃葉歌白樂天

妓攜

桃葉

與頓起孫勉泛舟探韻得未

一作味字

廳前堆梧桐牀下鳴絡緯佳人尺書到客子中夜喟朝  
來一樽酒晤語聊自慰秋蠅已無聲霜蟹初有味當爲  
壯士飲皆裂須磔蝟勿作兒女懷坐念蠨蛸畏山城亦  
何有一笑瀉肝胃泛舟以娛君魚鼈多可餽縱爲十日  
飲未遽主人費吾儕俱老矣耿耿知自貴寧能傍門戶

官板巧押東坡卡技區  
能押字飲而自如不遜矣

啼笑雜猩猩要將百篇詩一吐千丈氣蕭條歲行暮迨  
此霜雪未明朝出城南遺跡觀楚魏西風迫吹帽金菊  
亂如沸願君勿言歸輕別吾所諱

遜齋間覽浙人呼蝻斯之善鳴者爲絡緯織女詩國風彼美淑姬可與晤語史記  
項籍紀樊噲噴目視項王頭髮上指目眦盡張晉枯溫傳劉惔常稱之曰溫眼如  
紫石校須作蝟毛傑孫仲謀晉宣王之流也詩蠶風蠨蛸在戶又不可畏也伊可  
懷也爾雅蠨蛸小蜘蛛長腳者俗呼喜子論語疏腥曰餽謂生肉未煮者東方朔  
傳上語竇太主曰恐羣臣從官多大爲主費當是時董君見尊不名稱主人翁飲  
大驪樂云思賦猩猩啼而就禽狝狝笑而被格注猩猩形若狗人面善人言被執  
將死則相對而泣狝狝狀如人長面黑身有尾踵見人卽笑笑則掩目晉和嶠  
傳森森如千丈松韓退之詩李杜文章在光燄萬文長國語靈王不顧其民一國  
棄之如遺跡焉韓退之薦士詩霜風破佳菊嘉節迫吹帽詩大雅如蠨如  
蟪如沸如羹魏志陳登傳劉備曰君求田問舍言無可采是元龍所諱也

### 次韻答頓起一首

挽袖推腰踏破紳舊聞攜手上天門相逢應覺聲容似



欲話先驚歲月奔新學已皆從許子諸生猶自畏何蕃

殿廬直宿真如夢猶記憂時策萬言

公自注頓君及第時余爲殿試編排官見其答策語

願直其後與子由試舉人西京既罷回登嵩

山絕頂嘗見其唱驕詩十餘首頓詩中及之

左傳或挽之或推之韓退之誰氏子詩白頭老母遮門啼挽斷衫袖畱不止太山

記上有小大門大天門仰視天門如從穴中望天牕王注新學以言王介甫新經

之學也韓愈何蕃傳蕃入太學二十餘年歲舉

進士學成行尊太學諸生推領不敢與蕃齒

十二東秦比漢京去年古寺共題名

公自注去歲見之於青州

早衰怪我

遽如許苦學憐君太瘦生茅屋擬歸田二頃金丹終掃

雪千莖何人更似蘇司業和遍新詩滿洛城

漢書高祖紀田曰秦形勝之國帶河阻山縣隔千里秦得自二焉地方二千里

持戟百萬齊得十二焉此東西秦也陸士衡齊謳行孟諸吞楚夢百二倖秦京復

漢石慈傳書操欲殺之慈走入羊羣忽一老羝屈膝人言曰遽如許太瘦

生司李白嘲杜甫詩已見前注王注蘇司業源明也先生以比子由云

筆作沈氏所書

此詩云陽明閣向亮  
詩作本國士舍人但見  
寫是也

九日黃樓作

去年重陽不可說。南城夜半千漚發。水穿城下作雷鳴。  
泥滿城頭飛雨滑。黃花白酒無人問。日暮歸來洗韉韞。  
豈知還復有今年。把酒對花容一呷。莫嫌酒薄紅粉陋。  
終勝泥中千柄鍤。黃樓新成壁未乾。清河已落霜初殺。  
朝來白露如細雨。南山不見千尋剎。樓前便作海茫茫。  
樓下空聞櫓鴉軋。薄寒中人老可畏。熱酒澆腸氣先壓。  
煙消日出見漁村。遠水鱗鱗山鑿鑿。牛轄切詩人猛士雜龍  
虎。公自注坐客三十餘人多知名之士楚舞吳歌亂鵝鴨。一杯相屬君勿辭。此  
景何殊泛清雪。



杜牧之詩歸棹何時聞軋鴉楚辭九辯憫懷增欷兮薄寒之中人韓退之聯句交斫雙缺獻巖韻注缺齒又器缺也一曰獸食之餘曰齧漢張良傳上顧戚夫人曰爲我楚舞吾爲若楚歌李白詩吳歌楚舞歡未畢青山欲銜半邊日  
唐史李朔夜入蔡州擊鵝鴨池以亂軍聲警溪在湖州注再是

太虛以黃樓賦見寄作詩爲謝

我在黃樓上欲作黃樓詩忽得故人書中有黃樓詞黃樓高十丈下建五丈旗楚山以爲城泗水以爲池我詩無傑句萬景驕莫隨夫子獨何妙雨雹散雷椎雄詞雅今古中有屈宋姿南山多磬石清滑如流脂朱蠟爲摹刻細妙分毫釐佳處未易識當有來者知

秦始皇紀下可以建五丈旗詳見四卷戲子由詩注張景陽七命豐隆奮椎注豐隆雷公也唐杜審言傳嘗曰吾文章當得屈宋作衡官尚書孔安國注泗水涯石可以爲磬杜牧秋娘詩京江水清滑生女白如脂

九日次韻王鞏

我醉欲眠君罷休已教從事到青州鬢霜饒我三千丈  
詩律輸君一百籌聞道郎君閉東閣且容老子上南樓  
相逢不用忙歸去明日黃花蝶也愁

世說桓公有主簿善別酒有酒輒令先嘗好者謂青州從事惡者謂平原督郵青州屬齊郡平原有高縣從事謂到臍下督郵謂在臍上住也李白詩白髮三千丈緣愁似箇長郎君東閣用李義山謁令狐綯詩語已見前注晉庾亮傳亮在武昌諸佐吏殷浩之徒乘秋夜往登南樓不覺亮至諸人將起避之亮曰諸君少住老子於此興復不淺

送頓起

客路相逢難爲樂常不足臨行挽衫袖更賞折殘菊佳  
人亦何念悽斷陽關曲酒闌不忍去共接一寸燭留君



此詩而後筆墨有物  
恆中者乃將兩地兩情  
融一片筆力可絕

終無窮歸駕不免促岱宗已在眼一往繼前躅天門四  
十里夜看扶桑浴回頭望彭城大海浮一粟故人在  
其下塵土相逐蹴惟有黃樓詩千古配淇澳公自注頓有詩  
記黃樓本末

白樂天詩相逢且莫推辭醉聽唱陽關第四聲一寸燭用竟陵王子良刻燭為詩  
事已見前注唐書柳公權充翰林學士文宗夜召對燭盡而語不盡宮人以蠟液  
濡紙繼之後漢光武紀趣駕南轅注趣急也讀曰促漢官儀泰山東上四十里至  
天門又東有峯名曰觀雞鳴時見日始出淮南子曰出暘谷浴乎咸池入於扶  
桑是謂晨明東方朔十洲記扶桑在碧海中葉似桑樹長數千丈大二  
十圍兩兩同根更相依傍是名扶桑詩國風衛淇澳美武公之德也

送孫勉

昔年罷東武曾過北海縣白河翻雪浪黃土如烝麩桑  
麻冠東方一熟天下賤是時累饑饉常苦盜賊變每憐  
追胥官野宿風裂面君為淮南秀文采照金殿公自注君  
嘗考中進

士第  
胡為事奔走投筆腰羽箭更被髯參軍豪篇來督

戰公自注其兄莘老以詩寄之皆言戰事親程三郡士玉石不能銜欲知君得人

失者亦稱善君才無不可要欲經百鍊吾詩堪咀嚼聊

### 送別酒嘯

九域志密州古跡有伏湛墓其志云琅邪東武人高密即東武也又維州治北海縣追胥字出周禮小司徒注已見後漢班超傳嘗為官簿書輟業投筆嘆曰大丈夫無它志畧猶當効傅介子張騫立功異域以取封侯安能久事筆硯閒乎李太白詩流星白羽腰閒插晉郗超傳桓溫為大司馬辟超為參軍時王珣為主簿府中語曰髯參軍短主簿能令公喜能令公怒超髯珣短故也又互見十四卷史記秦始皇紀以衡石量書日夜有程不中程不得休息漢東方朔傳武帝既招英俊錄其器能用之如不及揚子銜玉而賈石者其狙詐乎應劭漢官儀金取堅剛百鍊而不耗孟東野懷憫詩好詩更相嫉劍戟生牙關前賢死已久猶在咀嚼閒

### 李思訓畫長江絕島圖

唐張彥遠名畫記李思訓宗室也

左武衛大將軍其畫山水樹石筆格遒勁端凝潏潏雲霞縹緲時睹神仙之事官然巖嶺之幽時人謂之李將軍也



作有思致惟未可  
他處多事似市井要  
記殊世士能此意

山蒼蒼江茫茫大孤小孤江中央崖崩路絕猿鳥去惟  
有喬木攬天長客舟何處來棹歌中流聲抑揚沙平風  
軟望不到孤山久與船低昂我我兩煙鬟曉鏡開新粧  
舟中賈客莫漫狂小姑前年嫁彭郎

庾信傷心賦山蒼蒼而正寒杜子美詩春動江茫茫解律金敕勒歌天蒼蒼野茫  
茫風吹草低見牛羊漢武秋風辭橫中流兮揚素波蕭鼓鳴兮發棹歌丘遲詩棹  
歌發中流鳴鞀響沓嶂杜牧阿房宮賦明星熒熒開耀鏡也錄雲擾擾梳曉鬟也  
歐陽歸田錄世俗傳訛惟祠廟之名尤甚江南有大小孤山而世俗轉孤為姑江  
側有一石磯謂之澎浪磯遂轉為彭郎云彭郎小姑壻也余過小孤山廟像乃一  
婦人而敕額為聖母廟豈止俚俗之謬哉春明退朝錄陳簡夫詩云山稱孤獨字  
廟塑女郎形過客雖知誤行人但乞靈

### 次韻答王鞏

我有方外客顏如瓊之英十年塵土窟一寸冰雪清竭

來從我游坦率見真情顧我無足戀戀此山水清新詩  
如彈丸脫手不暫停昨日放魚回衣巾滿浮萍今日扁  
舟去白酒載烏程山頭見月出江路聞鼃鳴莫作孺子  
歌滄浪濯吾纓吾詩自堪唱相子權歌聲

晉謝奕傳桓溫辟爲安西司馬岸幘笑詠無異常日溫曰我方外司馬詩國風有  
女同車顏如舜英杜子美蜀別章使君詩常恐性坦率失身爲杯酒南史謝朓嘗  
云好詩圓美流轉如彈丸也鄒陽酒賦其品類則洛陽醴醪烏程若下又詳五卷  
贈孫莘老詩注禮記春不相注相謂送杵盤李太白詩滄浪吾南曲寄入棹歌聲

### 張安道見示近詩

人物一衰謝微言難重尋殷勤永嘉末復聞正始音清  
談未足多感時意殊深少年有奇志欲和南風琴荒林  
蝸蝸作蝸亂廢沼蛙蝸淫遂欲掩兩耳臨文但噫噤蕭然



王郎子來自緱山陰

公自注其壻王翬攜來

云見浮丘伯吹簫明月岑

遺聲落淮泗蛟鼉為悲吟願公正王度祈招繼惜惜

漢司馬遷傳仲尼沒而微言絕音衛玠傳王敦謂謝鯉曰微言之緒絕而復續不意永嘉之末復聞正始之音互見十三卷左傳昭三十一年荀躒掩耳而走太平廣記王仙客者劉振之甥也振有女曰無雙小仙客數歲皆幼雅相狎振妻常呼仙客為王郎子列仙傳王子喬好吹簫作鳳鳴遇浮丘公得仙互見前注公為臺詩話張方平令王翬將詩一卷來徐州賦作一詩題卷末云云賦意言人物哀謝不意復見張方平之文章才氣以譏諷今時衰薄也意以衛玠比方平故云清談未足多也又少年有奇志至臨文但噫喑言韞少年本有志欲和天子薰風之詩因見學者皆空言無實或雜引老佛異端之書文字雜亂故以荒林廢沼比朝廷新法屢有變改事多荒廢致風俗虛浮學者誕妄如蠅蚋之紛亂遂掩耳不欲論文也願公正王度祈招繼惜惜據左氏楚靈王欲求鼎於周求地於諸侯其臣右尹子革諫王其詩曰祈招之惜惜貽德音思我王度式如玉式如金形民之力而無醉飽之心靈王不能用以及於難軼欲張方平當如蔡公謀父作祈招之詩以正王也

次韻王翬顏復同泛舟

沈郎清瘦不勝衣邊老便帶十圍躡蹠身輕山上走  
謹呼船重醉中歸舞腰似雪金釵落談辯如雲玉塵揮  
憶在錢塘正如此回頭四十二年非

南史沈約與徐勉書云老病百日數圍革帶當應移孔以手搯臂率計月小半分  
檀弓趙文子其中退然若不勝衣後漢東平王蒼腰帶十圍晉載記尹緯慕容超  
李勢赫連勃勃皆身長八尺腰帶十圍云便便用邊孝先事注再見楚辭衆蹠蹠  
而日進兮注蹠蹠行兒季太白效古詩歸時落日晚蹠蹠浮雲驄杜子美詩三更  
風起寒浪湧取樂喧呼覺船重白氏六帖趙飛燕舞宛轉如流風之迴雪撫言杜  
牧與官妓賭酒因微吟曰骰子巡巡裏手拈無因得見玉纖纖張祜應聲曰但知  
報道金釵落彷彿還應露指尖後漢符融幅巾奮袂談辭如雲注已見晉孫盛傳  
嘗詔殷浩談論對食奮擲麈尾毛落飯中王衍傳每捉玉柄麈尾與手同色按東  
坡先生以景祐三年丙子生是年元豐元年  
戊午年四十有三故云回頭四十二年非

次韻張十七九日贈子由

千戈萬槩擁笵籬九日清樽豈復持

公自注是日南都敕使按兵

官事無



窮何日了菊花有信不吾欺逍遙瓊館真堪羨取次塵  
纓未可縻迨此暇時須痛飲他年長劍挂君頤

晉史傅咸劾事云令史張濟案行城東有新立屋間能離障二十丈晉傳咸傳楊  
濟與咸書曰天下大器非可稍了而相觀每事欲了生子癡了官事官事未易了  
也了事正作癡復爲快耳詩小雅迨我暇矣飲此滑矣杜子美醉時歌忘形到爾  
汝痛飲真吾師戰國策田單攻狄不能下齊兒謠曰大冠若箕修劍挂頤攻狄不  
下累於梧丘季太白答王十二詩嚴陵  
高揖漢天子何必長劍挂頤事玉階

次韻王鞏獨眠

居士身心如槁木旅館孤眠體生粟誰能相思琢白玉  
服藥千朝償一宿天寒日短銀燈續欲往從之車脫軸  
何人吹斷參差竹泗水茫茫鴨頭綠

趙飛燕外傳體溫舒無軫粟盧全詩白玉璞裏琢出相思心黃金鑛裏鑄出相思  
淚續仙傳彭祖云上士別牀中士異被服藥百裹不如獨臥後人習其術號彭祖

經周易車說輻史記范曄傳須賈曰善  
馬病車軸折楚辭九歌吹參差兮誰思

### 次韻王鞏畱別

去國已八年故人今有誰當時交游內未數蔡克兒豈  
無知我者好爵半已縻爭爲東閣吏不顧北山移公子  
表獨立與世頗異馳不辭千里遠成此一段奇蛾眉亦  
可憐無奈思餅師無人伴客寢惟有支牀龜君歸與何  
人文字相娛嬉持此調張子一笑當脫頤

晉王導傳蔡謨戲嘲導導怒謂人曰吾往與羣賢共游洛中何曾聞有蔡克兒也  
謨蔡克子漢朱雲傳辭宣爲丞相雲往見之宣備賓主禮從容謂雲曰在田野無  
事且畱我東閣可以觀四方奇士雲曰小生乃欲相吏耶宣不敢復言楚辭九歌  
衣獨立兮山之上王羲之帖吾年垂耳順要欲一游目又領足下但當保護以俟  
此期得果此緣一段奇事也本事詩寧王宅中有賣餅妻纖白明媚王一見屬目  
厚惠其夫取之寵愛逾等踰歲問曰汝復憶餅師否默然不對王召餅師使見之



其妻注視雙淚垂煩若不勝情王乃歸之時坐客數人皆當時文士無不悽異王命賦詩右丞王維先成曰莫以今時寵難忘舊日恩看花滿眼淚不共楚王宮吏記龜策傳南方老人用龜支牀足行二十歲老人死移牀龜尚生龜能行氣道引也張子謂安道也脫頤用巨衡解頤意注已見

登雲龍山

醉中走上黃茅岡。滿岡亂石如羣羊。岡頭醉倒石作牀。仰看白雲天茫茫。歌聲落谷秋風長。路人舉首東南望。拍手大笑使君狂。

次韻僧潛見贈

僧道潛字參寥於潛人能文章尤喜為詩嘗有句云風蒲花獵弄輕柔欲立靖嘖不自由五月

臨平山下路藕花無數滿汀洲過先生於彭城甚愛之以書告文與可謂其詩句清絕與秋遠上下而通了道義見之令人蕭然蘇黃門每稱其體製絕類儲光羲非近時詩僧所能及

道人胸中水鏡清萬象起滅無逃形。獨依古寺種秋菊。

傷別調子而不一可者二

要伴騷人餐落英人閒底處有南北紛紛鴻鴈何曾冥  
閉門坐穴一禪榻頭上歲月空崢嶸今年偶出爲求法  
欲與慧劍加礱礪雲衲新磨山水出霜髭不剪兒童驚  
公侯欲識不可得故知倚市無傾城秋風吹夢過淮水  
想見橘柚垂空庭故人各在天一角相望落落如晨星  
彭城老守何足顧棗林桑野相邀迎千山不憚荒店遠  
兩腳欲趁飛猱輕多生綺語磨不盡尚有宛轉詩人情  
猿吟鶴唳本無意不知下有行人行空堦夜雨自清絕  
誰使掩抑啼孤惻我欲仙山掇瑤草傾筐坐嘆何時盈  
簿書鞭扑晝填委煮茗燒栗宜宵征乞取摩尼照濁水



其看落月金盆傾

晉衛瓘見樂廣善談論奇之曰此人之水鏡見之瑩然傳燈錄六祖曰人有南北  
佛性無南北六榻暗使管寧木榻事注見九卷遊靈隱高峰塔詩維摩經以智慧  
劍破煩惱賊揚子有刀者鑿諸莊子養生主刀刀若新發於硎漢貨殖傳諺曰刺  
繡文不如倚市門劉禹錫送張盟序向所謂同年友當其盛時聯袂舉鑣豆絕九  
衢若屏風然今來落落如曙星之相望杜子美贈李白詩亦有梁宋遊相期拾瑤  
草詩國風采采卷耳不盈傾筐杜贈開止師兄詩夜闌接軟語落月如金盆又維  
有摩尼珠可  
照濁水源

次韻潛師放魚

法師說法臨泗水無數天花隨塵尾勸將淨業種西方  
莫待夢中呼起起哀哉若魚竟坐口遠愧知幾穆生醴  
况逢孟簡對盧仝不怕校人欺子美疲民尚作魚尾赤  
數罟未除吾願泚法師自有衣中珠不用辛苦沙泥底

佛頂心經說此隨羅尼已天雨寶花繽紛亂下高僧傳梁僧法雲謂以天花散墜  
起起用鄭玄夢孔子事詳十卷孔長源挽詩注漢楚元王傳穆且不嗜酒元王常  
爲穆生設醴及王戊卽位常設後忘設焉穆生退曰可以逝矣醴酒不設王之意  
怠不去楚人將鉗我於市稱疾臥中公白生強起之穆生曰易稱知幾其神乎君  
子見幾而作不俟終日遂謝病去唐孟簡爲常州刺史與盧仝遊北湖盡買漁人  
所獲魚放之仝作觀放魚歌校人鄭子產事見孟子左傳襄二十五年子美入數  
俘而出杜預曰子美子產也詩國風魴魚魴尾鄭箋魴赤也君子仕於亂世其顏  
色瘦病如魚勞則尾赤楞嚴經譬如有人於自衣繫如意珠不自覺知窮露它方  
乞食馳走忽有智者指視其珠所願從心致大饒富方悟神珠非從外得白樂天  
放魚詩不須泥沙底辛苦覓明珠公烏臺詩部元豐元年四月作次韻潛師放魚  
詩一首云疲民尚作魚尾赤左傳云如魚寢尾衡流而方羊喬注云魚勞則尾赤  
是時徐州大水之後大役數起賦言民之疲病如魚勞而尾赤也數畧謂魚網之  
細密者以言民旣疲病朝廷又行苛勑助役不爲除放如  
密網之取魚皆以譏朝廷新法不便以致大水之災也

與舒教授張山人參寥師同遊戲馬臺書西軒

壁兼簡顏長道一首

古寺長廊院院行此軒偏慰旅人情楚山西斷如迎客



汴水南來故遶城路失玉鉤芳草合林亡白鶴古泉清  
淡游何以娛庠老坐聽郊原琢磬聲

桂花叢談咸通中李蔚鎮彭城於戲馬臺西連玉鉤斜道開創也治構葺亭臺  
之曰賞心白鶴則山中故事也陳無已詩記乃云眉山長公守徐嘗與客登項氏  
戲馬臺賦詩云路失玉鉤芳草合林亡白鶴古泉清廣陵亦有戲馬臺其下有路  
號玉鉤斜唐高宗東封有鶴下馬乃詔諸州爲老氏築宮名白鶴公蓋誤用而後  
所取信故不得不辨也禮記有虞氏養國老於上庠養庶老於下庠王注酒演多磬石故云琢磬聲

竹杖芒屨取次行下臨官道見人情天寒菽粟猶栖畝  
日暮牛羊自入城沽酒獨教陶令醉題詩誰似皎公清  
更尋陋巷顏夫子乞取微言繼此聲

左思魏都賦餘糧栖畝而不收詩國風日之夕矣牛羊下來王注廬山僧惠遠與

陶潛遊常沽酒飲之又吳興僧清晝字皎然唐時有詩名於世又稱長道爲顏夫

子故使

陋巷字

滕縣時同年西園

人皆種榆柳坐待十畝陰我獨種松柏守此一片心君  
看閭里閒盛衰日駸駸種木不種德聚散如飛禽老時  
吾不識用意一何深知人得數十重義忘千金西園手  
所開珍木來千岑養此霜雪根遲彼鸞鳳吟池塘得流  
水龜魚自浮沈幽桂日夜長白花亂青衿豈獨蓂草木  
子孫已成林拱把不知數會當出千尋樊侯種梓漆壽  
張富華簪我作西園詩以爲里人箴

杜子美詩飽聞楳木三年大與我溪邊十畝陰禮記如竹箭之有筠也如松柏之  
有心也貫四時而不改柯易葉白樂天詩屈曲閑池治無非子自開本草菌桂花  
白蕊黃牡桂亦曰白華葉冬夏常青又子十園之大始於拱把後漢樊宏傳宏字  
龐卿南陽湖陽人也世祖之舅父重賞以器物先種梓漆時人嗤之然積以歲



月皆得其用向之笑者咸求假焉賞至巨萬而賑贍宗族恩加鄉閭建武十五年定封宏壽張侯十八年帝過湖陽祠重墓追爵諡為壽張敬侯

### 次韻王庭老和張十七九日見寄

霜葉投空雀啅籬上樓筋力強扶持對花把酒未甘老  
膏面染鬢聊自欺無事亦知君好飲多才終恐世相縻  
請看平日銜杯口曾有金椎為控頤

杜牧題北樓詩不為尋山試筋力自能寒上背雲樓劉夢得詩筋力上護知又近來時世輕先輩好染鬢鬢事後生晉陸機傳張華嘗謂之曰人為文常恨才父子更患多莊子外物篇儒以詩禮發冢大儒臚傳曰東方作矣事之何若小儒曰未解裾襦口中有珠儒以金椎控其頤徐別其頤無傷口中珠

### 次韻參寥師寄秦太虛三絕句時秦君舉進士

不得

秦郎文字固超然漢武憑虛意欲仙底事秋來不得解

定中試與問諸天

漢司馬相如傳既奏大人賦天子說飄飄然有陵雲氣游天地之間意太平廣記  
袁昂書評云張伯英書如漢武愛道憑虛欲仙劉禹錫和宣上人放榜詩借問至  
公誰印可支郎  
天眼定中觀

一尾追風抹萬蹄  
昆崙玄圃謂朝隤  
回看世上無伯樂

卻道鹽車勝月題

崔豹古今注秦始皇有七名馬一曰追風杜子美遺興詩地用莫如馬無良復誰  
記此曰千里鳴追風可君意千洲記崑崙山三角北曰闕風西曰玄圃東曰崑崙  
宮韓退之雜說世有伯樂然後有千里馬千里馬常有而伯樂不常有莊子  
馬蹄不加之以衡扼齊之以月題音義云月題馬額上當額如月形者也

得喪秋毫久已冥  
不須聞此氣崢嶸  
何妨卻伴參寥子  
無數新詩咳唾成

與參寥師行園中得黃耳草



遣化何時取衆香法筵齋鉢久淒涼寒蔬病甲誰能採

落葉

一作菜

空畦半已荒老楮忽生黃耳菌故人兼致白芽

薑蕭然放箸東南去又入春山筍蕨鄉

維摩詰遺化菩薩往衆香國禮彼佛足言願得世尊所食之餘欲於娑婆世界施作佛事於是香積如來以衆香鉢盛滿香飯與化菩薩悉飽衆會

百步洪

并引

王定國訪余於彭城一日棹小舟與顏長道攜盼

英卿三子游泗水北上聖女山南下百步洪吹笛

飲酒乘月而歸余時以事不得往夜著羽衣佇立

黃樓上相視而笑以爲李太白死世間無此樂三

百餘年矣定國旣去逾月復與參寥師放舟洪下

追懷曩游已爲陳迹喟然而嘆故作二詩一以遺

參寥一以寄定國且示顏長道舒堯文邀同賦云

諸君有遠志可臥起  
仍於揚

初言連用此擬古云云  
法自足生韻

只用一有如費下使隱連  
以擬一調一內二以九如

翻極

必事者全時考考下故  
待次如地運意不  
浮泛

長洪斗落生跳波輕舟南下如投梭水師絕叫鳧鴈起  
亂石一線爭磋磨有如兔走鷹隼落駿馬下注千丈坡  
斷絃離柱箭脫手飛電過隙珠翻荷四山眩轉風掠耳  
但見流沫生千渦嶮中得樂雖一快何異水伯夸秋河  
我生乘化日夜逝坐覺一念逾新羅紛紛爭奪醉夢裏  
豈信荆棘埋銅駝覺來俯仰失千劫回視此水殊委蛇  
君看岸邊蒼石上古來篙眼如蜂窠但應此心無所住  
造物雖駛如吾何回船上馬各歸去多言謔謔師所師



流冰用莊子已見前注莊子秋水篇秋水時至百川灌河涇流之大兩涘渚涯之  
閒不辨牛馬於是焉河伯欣然自喜又見七卷八月十五觀潮詩注傳燈錄僧  
問金鱗寶資大師如何是金剛一隻箭師曰過新羅國去又古德云鷄子過新羅  
晉索靖傳有先識遠量知天下將亂指洛陽宮門銅駝嘆曰會見汝在荆棘中場  
子譏譏者天下皆訟也又嗚呼之子各識其親譏  
譏之學各習其師華嚴經愚人之所貪諸佛所訶

此言照切王秋揚收  
用惠六句三德健

佳人未肯回秋波幼輿欲語防飛梭輕舟弄水買一笑

醉中盪槳肩相磨

摩同

不學長安閭里俠貂裘夜走臙脂

坡獨將詩句擬鮑謝涉江共採秋江荷不知詩中道何

語但覺兩頰生微渦我時羽服黃樓上坐見織女初斜

河歸來笛聲滿山谷明月正照金叵羅奈何捨我入塵

土擾擾毛羣欺臥馳不念空齋老病叟退食誰與同委

蛇時來洪上看遺迹忍見履齒青苔窠詩成不覺雙淚

下悲吟相對惟羊何欲遣佳人寄錦字夜寒手冷無人

呵

傳武仲舞賦目流睇而橫波晉謝鯉傳鯉字幼輿濟南高氏女有美色鯉挑之女  
股拔折其兩齒時人爲之語曰任達不已幼輿折齒鯉聞之傲然長嘯曰猶不廢  
我嘯歌戰國策蘇秦說齊宣王曰臨淄之途車轂擊人肩摩翼聞集書仙散長安  
南坡名騰脂曹家有女名文姬杜子美遺書詩賦詩何必多往往交鮑謝宋玉招  
魂涉江采菱發陽阿季太白詩涉江弄秋水愛此被花鮮塘固西都賦毛羣內閣  
飛羽上覆詩國風委蛇委蛇退食自公謝靈運登臨海嶠作題云與從弟惠連可  
見羊何共和之沈約宋書靈運既東還與族弟惠連東海何長瑜穎川荀雍太山  
羊睿之共爲山澤之遊時人謂之四友季白久離別歌中有錦字書謂鯉使人羞  
王仁裕開寶遺事季白於便殿草詔時人寒筆凍  
帝令宮妓十人各執牙筆呵之令白遞取書字

### 送參寥師

上人學苦空百念已灰冷劍頭惟一吹焦穀無新穎胡  
爲逐吾輩文字爭蔚炳新詩如玉屑出語便清警退之

直涉理法而自擇擇  
洒自如之物遂不以理  
病之言亦有在句以  
王堯一派概其天下  
之理



查和公云公与潜以诗有素  
查潜以诗潜止一诗借耳  
尋去宜靜二字係有主腦  
便是括此亦化潜意云潜  
亦信之云以詩有主腦  
不可久信為言詳知乃又  
詩如神與詩併而為一源  
以物語語又詩法不相  
妨五子乃一篇之主年山  
亦指宜靜也

論草書萬事未嘗屏憂愁不平氣一寓筆所騁頗怪浮  
暑人視身如丘井類然寄淡泊誰與發豪猛細思乃不  
然真巧非幻影欲令詩語妙無厭空且靜靜故了羣動  
空故納萬境閱世走人閒觀身臥雲嶺鹹酸雜衆好中  
有至味永詩法不相妨此語當更讀

維摩經如焦谷牙又是身如丘井為老所逼二决用莊子字詩用周易字並已  
見韓退之送高閑上人序張旭善草書喜怒窮醜醉無聊不平有動於心必於  
草書發之今閑師浮屠氏其為心泊然無所起其於世澹然無所嗜泊與澹相遭  
頽墮委靡潰敗不可收拾則其於書為無象之乎按公詩乃用其意而反之柳宗  
元報崔黯書有嗜酸  
鹹者不得則大戚

夜過舒堯文戲作

名煥字堯文時為教  
授見本卷中秋月注

先生堂上霜月苦弟子讀書喧雨廡推門入室書縱橫

蠟紙燈籠晃雲母先生骨清少眠臥長夜默坐數更鼓  
耐寒石研欲生冰得火銅餅如過雨郎君欲出先自贊  
坐客斂衽誰敢侮明朝阮籍過阿戎應作羲之羨懷祖  
韓退之桃源歌月明伴宿玉堂空骨冷魂清無夢寐劉鈞詩溪簾未破冰生研百  
樂天懶放詩今早天氣寒郎君應不出自贊亭出漢書東方朔傳晉王戎傳阮籍  
嘗適戎父渾俄頃輒去過戎良久然後出謂渾曰共卿言不如共阿戎談晉王羲  
之傳謂諸子曰吾不戒懷祖而位遇懸邈當由汝等不及坦之故邪王述字懷祖  
坦之述  
子也

十月十五日觀月黃樓席上次韻

中秋天氣未應殊不用紅紗照坐隅山下白雲橫匹素  
水中明月臥浮圖未成短棹還三峽已約輕舟泛五湖  
爲問登臨好風景明年還憶使君無



吳越春秋范蠡扁舟出三江入五湖人莫知其所適

答王定民

王定民字佐才東萊人俊民弟也

開緘奕奕滿銀鉤書尾題詩語更適入法舊聞宗長史  
五言今復擬蘇州筆蹤好在畱臺寺旗隊遙知到石溝  
欲寄鼠須并蠶紙請君章草賦黃樓

晉索靖傳章書之為狀也宛若銀鉤蘇若驚鸞寫法書苑索靖於其書名曰銀鉤蠶尾又八法起於隸字始自崔張鍾繇傳授李陽冰云王逸少工書十五年中偏工永字以其八法之熟能通一切字長史張旭也章蘇州注再見鼠須蠶紙注見本卷章草漢元帝時史游作急就章解散隸體

次韻王廷老退居見寄二首

王廷老字伯敬

浪蘂浮花不辨春歸來方識歲寒人回頭白笑風波地  
閉眼聊觀夢幻身北牖已安陶令榻西風還避庾公塵

更搔短髮東南望試問今誰裹舊巾

韓退之杏花詩浮花浪蝶鎮長自纔聞還落猶露半全剛經一切有為法如夢幻

泡影晉王導傳庾亮雖居外鎮而執朝廷之權海內不能平焉遇西風起擊扇自

蔽徐曰元規塵

汗人亮字元規

接果移花看補籬腰鎌手斧不妨持上都新事長先到

老圃閑談未易欺釀酒閉門開社甕殺牛畱客解耕縻

何時得見纖纖玉右手持杯左捧頤

鮑明遠詩腰鎌刈葵藿杜子美詩獨遠虛齋從常持小斧柯唐書

劉黑闥屏居漳南諸將詣之黑闥力便跪即殺耕牛與之共飲

次韻顏長道送傅倅

兩見黃花掃落英南山山寺遍題名宗成不獨依岑范

魯衛終當似弟兄去歲雲濤浮汴泗與君泥土滿衣纓

必同月筆力雄大



如今別酒休辭醉聽雙洪落後聲

宗岑用東漢宗資成晉事詳見十一卷趙郎中見和詩注雙洪蓋徐州二水先生徐州鹿鳴燕賦詩叙云俯聽雙洪之號怒即此也

施註蘇詩卷之十五













